

LA CARTA DEL APÓSTOL SAN PABLO A LOS ROMANOS

Pablo escribe a la iglesia de Roma

¹ Yua Pablo mujaare yu queti joo Roma macanare. Caroaro mujaare yu ñuu roti. Jesucristo ch paabojari majoch yu ã, ch ye quetire buiobojari majoch. Jesucristo ch cabue jhgoricarã apóstol na caírã mena cānipaure yu cacũwĩ Dio, caroa quetire ch ye quetire cabuio teñapauh.

² Tirhmuphre atie queti ch Mach ch cabaipere caí buio jhgoyeyeyupi Dio. To bairi ch ye quetire buiori maja ãnana Dio nare ch caírore bairona caucayupa. ³ To bairi atie queti yu cabuio teñarije Dio Mach ye ã. Camajoch buiah Ùpah David ãnach pãrami cãñupi mani Ùpah Jesucristo. ⁴ Ch cabai yajiro bero Dio Espíritu Santo ch camajirije mena Jasure ch catunu catioyupi. To bairo áh mani camajare mani caiñooñupi Dio, “Ch Machna ãmi,” mani caí majiparore bairo ñi. ⁵ Caroaro mani átibojami Jesucristo. Ch jhgori yu cacũñupi Dio, apóstol anighmi ñi, yu ye quetire ch buio teñato ñi. To bairi to cãnacã yepaph camajare na yu cabuio teñaro jhcaarã ch ye quetire caapirã Jesucristore api nhchabugogarãma.

⁶⁻⁷ Mhjaa Roma macana quenare cacũñupi Dio, Jesucristore caapihjarã na ãmaro ñi. Seeto maimi Dio mujaare. Mhja nipetirãre caroaro atie queti joh mujaare yu ñuu roti. Mani Pach Dio caroaro ani

wariñuuriquere mujaare cu joato. Mani Upau Jesucristo quena to bairona caroare cu joato mujaare.

Pablo quiere visitar Roma

⁸ Atie mai mujaare yu buio jugo: Camaja ati yepa nipetiro macana Jesucristore muja caapiuja nucubugorijere buio batema. To bairo muja cāniere na cau buiorijere apii Diore, “Ñuu majuucuda,” cu yu ñinucu. Jesucristo jugori mujaare yu jenibojanucu Diore. ⁹ Seeto yeri tugooña ocabutiri Diore yu áti nucubugo, cu Macu cu cānie queutire buio teñau. To bairi majiimi Dio to cānacā nina nairoacā cure mujaare yu cajenibojarijere. ¹⁰ To bairi Diore cu jeni nucubugou, oco bairo cu yu ñ jeninucu: “Dio, Roma macana tupu yu cāáapere mu cabooata topu yu cāáapere quenooya.” Tirumupuna muja tupure yu cāáaganucubapu. ¹¹ Dio yere mujaare yu buioga, netobujaro Jesu yere muja camaji ocabutí nemoparore bairo ñi. To bairi seeto mujaare yu tujugacapu. ¹² To bairi muja tupu yu caejaata Jesure mani caapi nucubugorijere mani ame buiogaru. To bairo ame buiorgaru netobujaro Jesure mani api nucubugo ocabutigaru.

¹³ Oco bairi wame muja camajiro yu boo: Aperu quena judío maja cāníquunare Jesu ye queutire na yu cabuioro caapiujawu jucaaru. To bairi na caapiujarore bairo muja tu macana quena na apiujaato ñi, capee niri muja tupure yu cāáagabapu. Aágabachu quena yu cāáá majiquuepu. ¹⁴ Camaja to cānacā majare Jesu ye queutire na cabuiopau yu ñ. Macaa cāna, macaa cāníquuna quena, cabue majiru, cabue majiquuna quenare nipetirure na cabuiopau yu ñ Jesu ye queutire. ¹⁵ To bairi muja

Roma macana quenare caroa queti Jesu yere seeto m̄jaare ȳ buioga.

El poder del evangelio

16 Camaja noa atie Jesucristo ye quetire caapi n̄acabugorāre na netoo catomi Dio. Cāre ca-booquēna menare na c̄a capopiyeyebopere na netoomi cāre caapi n̄acabugorāre. Jesucristo jīcauna āmi manire canetoo majii. To bairo camajare c̄a canetoo majirijere t̄goooñari ȳ boboquēe camajare tie quetire na buioa. Tie queti judío maja jetore buiorique cāni jugoyupa. Na bero judío maja cāníquēna quenare buiorique ã. **17** Ocōo bairo majuu ã tie queti: “Noa Jeshire caapi n̄acabugorāre, ‘Caroarā, caroorije mana āma,’ na ī t̄ujumi Dio. To bairo c̄a caī t̄ujurā cāre caapi n̄acabugocōa āna āma.” To bairona ī uca turique ã Dio Wadarique cāniepure, “Caroarā āma,” Dio c̄a caī t̄ujurā. “Cāre caapi n̄acabugorā āma naa. Cāre api n̄acabugorā to cānacā r̄am̄a cacaticōa āna anigarāma,” ī uca turique ã.

La culpa de la humanidad

18-19 Caroorije cāna macare na cabai netoo n̄acarije, caroorije na cátiere seeto t̄ujugateemi Dio um̄arecoopā cācā. Na quena cariape Dio c̄a cāniere na camajipe anibajupa. Dio c̄a cāniere mani camajipe majirioquēe. To bairo cāre na camajibope to cānibato quena na majuuna caroorije átigarā cajo-caquētie macare, Dio ye queti macare apigateema. To bairi seeto na popiyeyeḡumi Dio. **20** Diore t̄ujquetibana quena, “Seeto camajii āch̄mi Dio,” mani ī maji, ati um̄arecoo, ati yepa macaje c̄a cátajere t̄ujuri. Dio c̄a cānicōa anie, nipetiro c̄a

cáti rotirije quenare mani maji, cu cátajere tujuri. Nemoopure ati yepa macajere Dio cu cátato bero nippetiro cu cátajere tujrique ã. To bairi, “Atie Diona cu cátaje ãno,” ï majiri Dio cu cāniere majirãma camaja nippetirã. To bairi tiere majibana quena cãre cabai netoo nucarã ãma. To bairo na majuuna na cabai netoo nucarije wapa na popiyeyegumi Dio. Na maca, “Dio, mu cāniere majiquetibana mure jã caapi nucubugoquẽpu, to bairi mu capopiyeyequetiparã jã ã,” ï majiquetigarãma rooro cátana maca. ²¹ Cu cāniere majibana quena Diore áti nucubugoquẽema. Caroaro cu cátajere tujubana quena tiere, “Caroaro jãre mu cátibojayupa,” Diore cu ïquẽema. Ape wame macare tugooñari ï jocariquere tugooñama. To bairo baibana na yeripure jã netobujarro Diore camajiquẽna anicõama. ²² “Seeto camajirã jã ã,” caĩrã anibana quena camajiquẽna majuu ani nutuapa. ²³ To bairo Diore, cayajiquẽcre cu áti nucubugogaquẽna na majuuna na cawericarã macare áti nucubugoma. Camaja, cawurã, waibucurã, aña, pinoare bairã cānare we nuccocõari na áti nucubugoma.

²⁴ To bairo na cátó, “To cõona caroorije na majuuna na caboorije cána na anicõato,” na ïmi Dio. To bairo na cu caĩro bero na majuuna caroorije boboorije majuure átinucuma. ²⁵ Dio ye cariape cāni wame apijagaquetiri caĩ jocarije macare apijama. Dio ati umurecoo macana nippetirore cátach jetore cu na cáti nucubugope aninucubapa, to cānacã rumu cānicõa ãcu macare. Na maca Diore áti nucubugoquẽnana Dio cu carupeoricarã macare áti nucubugonucuma.

²⁶ To bairo cátinucurã na cāno maca, “Baiyupa na majuuna seeto caroorije cáticõana na ãamaro,” na ūimi Dio yua. Câromia caroaro manapu cutajere booquẽnana na majuuna caroorije ame áti epenu-cuma. ²⁷ Caum̄ha quena to bairona caroaro n̄amo cutajere booquetiri na majuuna caum̄ha anibana quena caroorije ame áti epecõama caboboorijere. To bairo na majuuna seeto caroorije na cátie wapa cariape na popiyeye majuucõaḡumi Dio to bairo rooro cánare.

²⁸ Diore na cat̄gooñagaquẽto maca, “To cõona caroorije jetore cat̄gooñarã na anicõato,” ūimi Dio. To bairo Dio nare c̄u caĩro bero caroorije jeto áticõa aninucuma boboquẽnana. ²⁹ Ocõo bairi wame áti aninucuma caroorije to cänacã wamere: Ap-eye unie cac̄gorã anibana quena apeye uniere boo neto t̄gooñama. Aperãre, “Rooro nare mani áticõato,” ūi t̄gooñanucuma. Aperã ye t̄j̄u uḡoo punijininucuma. Camajare na j̄ama. Ame wada neto paima. ūi jocarique ūnucuma. Ame tuti paima. Rooro wada pai yoja teñama. ³⁰ Aperã caroorije na cátiquẽtie to cänibato quena, “Rooro cána ãma,” na ūi wada painucuma. Diore t̄gooñagateema. ūi punijini ȳnucuma. “Caroā, camajii ȳu ã,” ūi t̄gooñari to bairona ūtori buioma. Seeto t̄gooñama caroorije na cátipere, caroorã aniri. Na pac̄hare na bai netoo n̄acanucuma. ³¹ Cañuurijere majigaquẽema. “Ocõo bairo jā átigarã,” caĩrã anibana quena na caĩri wamere áti uḡagaquẽema. Aperãre na mai t̄j̄uquẽema. Aperã rooro na cátajere majiritiquẽema. Rooro catam̄orãre na bopaca t̄j̄uquẽema. To cänacã wame caroorije

átinucuma, Diore cabai netoo nucarā aniri. ³² To bairona cabairāre caroorā na cabai yajiri paupure na regumi Dio. Nare cū carepere camajirā anibana quena to bairona cáticōa ãna aninucuma. Seeto wariñuma aperā nare bairona caroorije na cátiere bairije na cátio tujari.

2

Dios juzga conforme a la verdad

¹ Muja aperā na cátiere tujari, “Caroorije cána ãma,” nare muja ī. To bairo nare caírā anibana quena nare bairona caroorije muja áa. To bairi, “Caroorije cána ãma, nare cū popiyeyeato Dio,” muja cañata, “Jā quenare cū popiyeyeato,” caírāre bairona muja ī. ² To bairona caroorije cánare nipetiro na cátiere tuju majimi Dio. Na cátie nipetirijere caroaro tuju majiri cariapena na popiyeyegumi Dio na ye wapa. Cariapena capopiyeyei ãmi Dio. ³ To bairi muja quena nare bairona anibana quena, “Caroorā ãma naa, nare popiyeyegumi Dio,” muja īrā. To bairo īcōrina, “Jā macare popiyeyequetigumi,” jocarāna muja ī tugooñarā. ⁴ Caroorije muja cátie wapare muja popiyeyega patowācaquēcumi Dio. To bairi nemoona mujaare cū capopiyeyequetiere tujurā, “Manire popiyeyequetigumi,” ī tugooñaqueticōña. Mujaare mai tujari, caroorije muja cátiere muja catugooña jutiritipe boomi. To bairi cāre muja caapiñapere yuami Dio. To bairi popiyeyega patowācaquēcumi. ⁵ Cāre muja caapiñapere mujaare cū cayuubato quena Diore muja apiñagaquée. Caroorije muja cátiere muja jutiriti yeri wajoagatee.

To bairi netobhjaro muja popiyeyegumi Dio. Cariapena chre cabooquennare caroorije na cataje wapa nare ch capopiyeyeri rumu canopu muja átigumi.

6 Camaja nipetirare caroorije na cataje wapa coona cariapena na popiyeyegumi Dio. To bairi caroa catana quenare caroaro na átibojagumi Dio cariapena caroa na cataje coona. **7** To canacahna caroa, Dio yere, ch catuh wariñuurijere caticoña aninucurare na joogumi Dio ch tupu caroa canicoña aninucurijere. **8** Apera na majuuna na caboorije cana macare na popiyeyegumi Dio. Cariape macaje Dio ye quetire apiujagaqueema. Cañuuquetie macare átinucuma. To bairi na popiyeyegumi Dio, na cati aniere booquecu. **9** Camaja nipetira caroorije cana tugooñarique pai jutiriti popiye tamugaráma. Judío maja to bairona, judío maja mee quena nare bairona tamugaráma. **10-11** Nipetira caroare cana macare na tuju wariñuumi Dio. Camaja quena to bairona caroa canare na tuju nucubgogaráma. Caroa ãnajere na joogumi Dio. Judío majare, judío maja mee quenare to bairona na joogumi Dio, jiccarore bairo jeto camajare catuhu aniri.

12 To bairi caroorije na cataje wapa na popiyeyegumi Dio, Moisépure ch carotiriquere camajibatanare tiere na cabai netoo nucariije wapa. Apera quenare ch carotirique camajiquena quenare na popiyeyegumi Dio caroorije na catie wapa. **13** Ch carotiriquere caapiricara anibana quena tiere catiquenare, “Cañuura ãma,” na ñqueemi Dio. Ch carotiriquere cana macare, “Cañuura ãma,” na ñ tuju mi. **14** To bairi judío maja caniquena Moisépure Dio ch carotiriquere cacagoquena

aniri, tiere camajiquēna āma. Majiquetibana quena na majuuna caroare cána na cāmata Dio c̄u carotirique to caīrore bairona cána āma. Dio c̄u carotiriquere camajiquēna anibana quena caroare cána na cāmata na majuuna na yerip̄ure, “Caroare cátipe ã,” caī majirā ãnama. ¹⁵ To bairi na majuuna na yerip̄ure caroare cátí majirā aniri Dio c̄u carotirique c̄u caī cūricarore bairona cátí majirā ãnaa baima. To bairi na yerip̄ure caroare cátí majirā anibana quena caroorije áama na majuuna. To bairo na majuuna caroorije áti, nemoona, “Atie caroorije ã. ¿Nope ūrā tiere jā ájupari?” ï t̄gooña majirāma. Cañuuriye macare na cápata, “Atie caroare jā ápá,” ï t̄gooña majirāma, na yerip̄ure caroa cátí rotirijere camajirā aniri. ¹⁶ To bairi camaja caroorije na cátajere na t̄ju cōñari na popiyeyeḡmi Dio caroorāre na c̄u capopiyeyeri r̄um̄ cānop̄. Caroorije na cátajere cat̄ju cōñapaure c̄u cūḡmi Dio Jesucristore. To bairi na cabuiogaquētie quenare t̄ju maji peticōaḡmi Jesu. Ti wamere ȳu buionucu Jesu ye quetire buio teñau.

Los judíos y la ley de Moisés

¹⁷ M̄jaa judío maja cāna, “Moisép̄ure Dio c̄u cátí rotiriquere c̄u cacūricarā aniri c̄u yarā majuu jā ã,” m̄ja ï t̄gooñabapa. ¹⁸ Dio c̄u carotiriquere camajirā aniri c̄u caboorijere camajirā m̄ja ã. To bairi, “Caroa cátipere jā t̄ju beje maji,” m̄ja ï t̄gooñabapa. ¹⁹ To bairo ï t̄gooñarā, ocōo bairo m̄ja ï t̄gooñabapa: “Dio yere camajiquēnare camajirā jā ã. Caroare cátí majiquēnare na jā buio maji caroa macaje macare.” ²⁰ To bairi

aperāre camajiorā jā ã. Camajiquēnare, cawimarā quenare cabuerā jā ã. To bairi Dio cₔ carotiri-quere cacugorā aniri camajiriorijere cariape cāni wamerire jā maji peticōa,” mₕja ĩ t̕gooñabapa.

21 To bairi mₕjaa aperāre camajiorā anibana quena ɿnope ūrā mₕja majuuna aperāre mₕja cabuiorore bairona mₕja átiquetinucuti? Aperāre, “Jee rutiquēja,” caĩ buiorā anibana quena ɿnope ūrā mₕja majuuna mₕja jee rutinucuti?

22 To bairi, “Áti epericarā cₔtiqueticōaña,” caĩrā anibana quena mₕja majuuna ɿnope ūrā mₕja áti epericarā cₔtinucuti? Aperā na majuuna na caw-ericarāre Dio cāníquēnarena jeni nacubugoma. Na cajeni nacubugorijere t̕juteebana quena ɿnope ūrā na wericarāre na cáti nacubugori wiiri macajere mₕja jee rutiti?

23 “Moisép̕re Dio cₔ carotiriquere camajirā majuu jā ã,” caĩrā anibana quena tiere mₕja bai netoo nacanucu. To bairo mₕja cabai netoo nacarijere t̕jurā aperā maca ocōo bairo mₕja ūrāma: “Nare bairona cabairā jā anigatee. Diore canacubugorā na cāmata jā maca Diore cáti nacubugorā jā anigatee.” To bairona ūrāma to bairo jocarāna Diore mₕja canacubugotorijere t̕jurā.

24 To bairona ūriquie ã Dio Wadariquep̕: “Mₕjaa judío maja Dio cₔ carotiriquere cacugorā anibana quena caroorije cāna mₕja ã. To bairo mₕja cāno t̕jurā aperā judío maja cāníquēna maca Diore boquetiri, cₔ ĩ epe tutima. Cₔ nacubugogaqueema,” ĩ ucarique ã.

25 Dio cₔ carotiriquere mₕja cāpata caroaro mₕja baigaro judío majare, circuncisión na caĩrije cānare. To bairi cₔ carotiriquere mₕja cátiquēpata

judío maja cāniquēna circuncisión cátiquēnare bairona cabairā m̄ja ã, Diore camajiquēnare bairona. ²⁶ Noa Dio c̄ carotiriquere caapiñjarā, “Ȳa yarā ãma,” nare ī t̄uj̄umi Dio, judío maja mee quenare circuncisión cátiquēna na cānibato quena. Judío majare Dio na c̄ caī t̄uj̄boricarore bairona na ī t̄uj̄umi Dio c̄ carotiriquere cánare. ²⁷ M̄jaa judío maja Dio c̄ carotirica wame cōo cacugorā, circuncisión cána anibana quena Diore m̄ja apiñjaquēe. To bairi aperā maca circuncisión cátiquēna maca Dio c̄ carotirique caírore bairona na cápata ocōo bairo m̄ja ïgarāma: “Jocarāna Dio c̄ carotiriquere cacugorā ãma. Tiere apiñjaquēema,” m̄ja ïgarāma. ²⁸ Judío maja ocōo bairo m̄ja ī m̄jaa: “Judío maja jā ã. Circuncisión jāre cájupa, Dio yarā majuu anigarāma ïrā.” To bairo caíricarā anibana quena judío maja majuu mee m̄ja ã, Dio yarā majuu cāniquēna m̄ja ã Diore m̄ja caapiñjaquēpata. ²⁹ Judío maja majuu, Dio yarā ocōo bairo ãma: Na yerip̄ure caroorije na cátajere cajana rericarā ãma, Dio yarā jā anigarā ïrā. To bairi Dio c̄ carotirique caírore bairona cána ãma. Na ãma judío maja majuu, Dio yarā. “Caroarā ãma,” na ī t̄uj̄ warin̄umi Dio nare. Camaja maca nare to bairo na caī t̄uj̄ warin̄uquētie to cānibato quena to bairona na ī t̄uj̄ warin̄umi Dio na unare. “Judío majoc̄ cabuiarich̄, circuncisión cátac̄ ȳ ã, to bairi Dio yā ȳ ã,” caī ūc̄ anibac̄ quena judío majoc̄ majuu me ãmi Diore c̄ caapiñjaquēpata.

3

¹ To bairi, “Judío maja anibana quena Dio yarā

majuu mee muja ã,” yu cañrije apiri, “Baiyupa judío
maja jã cānie circuncisión jã cátaje ñuuquëto,” ï
tugooñaquëja. ² Aperã jugoye Dio cu Wadariquere
cu cacúricarã mani ã. To bairi judío maju mani
cānie ñuu majuucõa. ³ Capañarã judío maju Dio
Wadariquere caapi nucabugoquëna ãma paro. Na
caapiñja nucabugoquëtie to cānibato quena Dio
maca cu cañrore bairona cu ãmi. ⁴ To bairi cu
cañrore bairona átigumi Dio. Mani camaja cañ
jocarã aniri mani cañri wamere bairona mani
átiquetinucu. Dio maca cariape ïmi. Cañ jocañ me
ãmi. To bairona ï ucarique ã Dio Wadariquepu:
Mua Dio, jocu mee cariape mu ñnuñ. To bairi
ocõo bairo mu ï majiquëema camaja: “Roro
áami Dio. ‘Ocõo bairo yu átigu,’ cu cañrica
wame cõo átiquemi Dio,” mu ï majiquëema,
ï ucarique ã.

⁵ To bairi mani camaja rooro mani cátí netori-
jere tujurã, “Jucañna ãmi Dio cañuu majuñ,” mani ï
maji. Ti wame ï majiri ocõo bairo ï tugooñañabanama
jucaarã: “Dio manire cu capopiyeyeata rooro
átiboñmi cu majuuna,” ï tugooñañabanama. ⁶ To bairo
cañ tugooñaquetipe ã. Cariape áami Dio, cama-
jare caroorije na cátaje wapa na popiyeyei. Ca-
roorije máñ ãmi Dio. Cu majuuna caroorije cu
cu cámata, cariape cátiquu cu cámata ati yepa
macanare cariape na tuju beje majiquetibumi
Dio. Cariape na ye wapa na popiyeye maji-
quetibumi.

⁷ Aperã ocõo bairo ïrãma tunu: “Cañ jocarã mani
cānibato quena mani popiyeyequetigumi Dio. Cañ
jocarã mani cāniere tujurã, ‘Dio jucañna ãmi cañuu
majuu, cañ jocañ,’ ï tuju majigarãma aperã

maca. To bairo caī jocarā ãnaa, ‘Dio jīcauña cari-ape cū cāniere na majiato,’ caīrāre bairo mani bai. To bairi caroorije cána, caītorā mani cānibato quena, ‘Roro mūja áa,’ manire īquēcūmi Dio,” ī tūgooñarāma jīcaarā. “To bairi, ‘Roro īmi. Cū yū popiyeyegū,’ yure īquēcūmi Dio,” ī tūgooñabanama.

⁸ “To bairona ī buionucuma Pablo jāa,” jā īto buiorāma aperā. “‘Caroorije mani áato,’ Dio macare, ‘Jīcauña ãmi cañuu,’ camaja cāre na ī majiato īrā, ī buionucuma Pablo jāa,” jā īto buiorāma jīcaarā. Jocarāna ī buiorāma ti wamere. Ti wamere jā īqueti majuuçōa. Ti wamere caīrā cariapena na popiyeyegūmi Dio caroori wame na caī buiorije wapa.

Todos somos culpables

⁹ “Mani judío maja aperā netoro cañuurā mani ã,” ī tūgooñaqueiticōaňa. Mania judío maja caroorije cána mani ã. Aperā judío maja cāníquēna to bairona caroorije cána ãma na quena. Jīcarore bairona mani bai. Judío maja, judío maja cāníquēna quena to bairona mani bai. Cabai buicūna jetona mani ã mani camaja nipetirā. “Mani camaja nipetirā to bairo jetona caroorije cána mani ã,” mere yū ī buio ucawū. ¹⁰ Ocōo bairo ī Dio Wadarique mani cabairije cūtiere:

Ni ūcu jīcauña cañuu maami.

¹¹ Camaja nipetirā Dio yere api majiquetinucuma. Dio cū cāniere majigaquēema.

¹² Dio cū caboorijere átigaquetibana nipetirā caroorije cána ãma. Nii jīcauña cañuurije cācū maami.

13 To bairi majá ope cajita jā bipeya mani ope cañirijere rooro mani catugooñarore bairona rooro tagooñami Dio na rijero mena na cañ wadarijere. Na rijero mena rooro ñito pai wadanucuma. Tie caroorijere ñ wadarā, aña cu capunirore bairo jeto rooro puniri wamere ñ wadanucuma.

14 Aperāre tagooñá punijini, wada painucuma.

15 Ñee wapa manona nare jīama aperāre.

16 Noo na cāaáti pañri cōo aperāre na rooye tuu popiyeye, na catugooñarique pairo roque na átinucuma aperāre.

17 Aperā mena caroaro ani majiquēema.

18 Diore nucabugoquēema, ñ ucarique ã Dio Wadariquepu.

19 Moisépure cacūñupi Dio judío majare cu carotiriquere, yu carotiri wame cōo na áparo ñi. To bairi cu carotiriquere majibana quena tiere mani cátiquēpata, “Caroorije mácu, Diore cabai bui chtiquēch yu ã,” mani ñ majiquēe. “Dio cu cátí rotiriquere yu cátiquēto tujuu yu popiyeyegumi Dio, caroorije yu cátaje wapa,” mani ñ maji. Mani camaja nipetirā caroorije cána aniri mani majuna ti wamere mani ñ maji. **20** Nii jīcau ûcu ocðo bairo cariape cañ majii maami: “Dio cu carotirique cāno cōona jīca wame rújaricaro mano yu áa. To bairi, ‘Caroaro cacr mu ã,’ yu ígumi Dio.” Ti wamere cariape cañ ûcu maami. Dio cu carotiriquere majicðari, “Caroorije cacr yu ã,” mani ñ maji.

La salvación es por medio de la fe

21-22 To bairi Dio cu carotiriquere cátí peo ma-
jiquéna mani cānibato quena, “Caroarā ãma, ca-
roorije mana ãma,” mani ñ tujumi Dio. Jesucristore
caapi nucubugorá mani cámata, “Caroarā ãma,”
mani ñ tujumi Dio. Ti wamere mani maji, cu ye que-
tire apiri. Tirumupuna Moisé Dio cu carotirijere
ucau tiere cañ buio jugoyeyeyupi. Aperā quena Dio
ye quetire buiori maja ãnana to bairona cañ buio
jugoyeyeyupa. **23** Mani camaja nipetirá caroorije
cána mani ã. To bairi Dio cu caboorije cõona cátí
peoquéna mani ã. To cānacã maja to bairo jeto
caroorijere cána mani ã. **24** To bairi noa Jesucris-
tore caapiuja nucubugoráre, “Cañuurá ãma,” na ñ
tujumi Dio. “Caroorije na cátierie Jesu nare cu cawa-
payebojaro maca na yu popiyeyequetigu,” na ñmi
Dio. **25** Mani mai tujuri Dio cajooyupi Jesucristore
caroorije mani cátie wapa, cu carií re yajiparore
bairo ñi. To bairi Jesucristo manire cu cajooricure
mani caapiuja nucubugoro maca caroorije mani
cátierie majiriomi Dio. Cajugoyepu macanare
caroorije na cátie wapa na capopiyeyega pa-
towucaquujupi Dio, “Caroorije na cátie wapare yu
Macu na bai yajibojagumi,” ñ tugooñari. To bairi
cu Macure cu cajooro majirá, “Cariape cácu ãmi
Dio,” mani ñ maji. **26** Ati rumuri macana to bairi
wamere mani cañ majiparore bairo ñi cujupi Dio. To
bairi noa Jasure caapiuja nucubugoráre, “Cañuurá
ãma,” mani ñmi Dio. “Caroorije na cátierie Jesu na
cu cawapayebojaro maca cañuurá ãma,” mani ñmi
Dio.

27 To bairi mani majuuna ñ tugooña ocabutiri,
“Caroaro cácu yu ã,” mani ñ majiqueti majuucõa.
“Dio cu carotirique cañrore bairo cátí ocabutii aniri

caroau yu ã,” ūrica wame quenare mani ñ majiquëe.

Ti wamere mani majuuna mani cañ majiquëtie to cänibato quena, “Cañuurã ãma,” mani ñ tujumi Dio, Jesure mani caapiuja nucubugoro. ²⁸ “Dio cu carotirijere ána popiye jã áa,” mani cañrije to cänibato quena, “Caroaro cána ãma,” mani ñ tujquëcami Dio. Jesure cu mani caapiuja nucubugorije macare tujuu, “Caroarã ãma,” mani ñ tujumi Dio.

²⁹ Judío maja jetore na canetoo catiоu me ãmi Dio. Judío maja, judío maja mee quenare na canetoo catiоu ãmi. ³⁰ To bairi jícauna camajare canetoo catiоu aniri to cänacä majare canetoo catiоu ãmi Dio. To bairi nii cabouña judío majocu Jesure cu caapiuja nucubugoata, “Cañua ãmi,” cu ñ tujumi Dio. To bairona nii cabouña judío majocu mee quenare Jesure cu caapiuja nucubugoata, “Cañua ãmi,” cu ñ tujumi Dio. ³¹ To bairi Dio Moisépure cu carotiriquere cajana rerã mee mani ã Jesure apiuja nucubugorã. Jesure apiuja nucubugorã Dio cu carotirica wamerena cána mani ã. Dio Moisépure cu carotiriquere cátí peo majiquëna mani cänibato quena, “Cañuurã ãma,” mani ñ tujumi Dio, Jesure mani caapiuja nucubugoata.

4

El ejemplo de Abraham

¹ Abraham mani judío maja ñicure Dio cure cátibojariquere mujaare yu buiopa. ² Abraham caroa cu cátire tuju cõoñari, “Cañua, caroorije mácu ãmi Abraham,” cu ñ tujquetaumi Dio cañua cu cänibato quena. To bairo cu cañ tujuata Abraham maca, “Yu majuuna caroa yu cátie wapa caroaro

yure áami Dio,” cu cañije aniboricaro. To bairi Dio cu catujuro cariape, “Caroaro cáu, caroorije máu yu á,” í majiquetacumi Abraham. ³ Oco bairo í Dio Wadarique: “Abraham Diore caroaro caapi nucubugoyupu. To bairi, ‘Caroaro cáu ámi Abraham,’ cu caí tujuyupu Dio,” í ucarique á.

⁴⁻⁵ Oco bairo maca mujaare yu buio majiopa: Jícau capaabojaure cu upau, cure capaa rotii cu wapayei cawatoana cu jooquuchumi. Cariape cu capaa wapatarije macare cu joumi. Mani cawapatarije me á Dio, “Caroaru áma,” manire cu caí tujurijea. Caroaro mani cátaje wapa meere to bairo mani ími. Cure mani caapiuja nucubugorije macare tujuri, “Caroaru áma,” manire í tujumi Dio. Cure mani caapiuja nucubugoro tujuri, “Caroaru áma,” manire í tujumi Dio. “Cañuuriye yu cátiere tujuri, ‘Cañuu ámi,’ yure cu í tujuato Dio,” mani cañquutie to cunibato quena, “Cañuuru áma,” mani í tujumi Dio, cure mani caapiuja nucubugoata. ⁶ To bairona caí ucayupi Upau David tirumupu macacu: Dio camaja na cátie wamere tuju tugooñaquuchuna, “Caroaru áma,” cu caí tujuru macare wariñuuriquere na joogumi Dio. Oco bairo caí ucayupi Upau David ãnacu:

⁷ Noa Diore cu na cabai netooriquere, caroorije na cátajere Dio na cu camajiriobojaro bero caroaro wariñuugaráma.

⁸ Noa caroorije na cátajere Dio tugooñaquuchuna, “Cañuuru áma, na yu popiyeyequetigu,” Dio cu caíru caroaro wariñuugaráma, caí ucayupi Upau David ãnacu.

⁹ To bairi, “Judío maja, circuncisión cána jetore caroorije na cátiere na yu majiriobojau,” íquuemi

Dio. Judío maja mee quenare, circuncisión cátiquēna na cānibato quena caroorije na cátajere na majiriobojami Dio. Abraham c̄a cabairiquere t̄ugooñaña tunu. Diore c̄a caapiñja nucubugoro t̄ujuri, “Caroaro cách ãmi Abraham,” c̄a caí t̄ujuyupu Dio. ¹⁰ Ti wamere Abrahāre c̄a caññupu Dio circuncisión cátiquēc̄a Abraham c̄a cānopuña mai. ¹¹ To bairi Abraham circuncisión cátiquēc̄a ãc̄upu Diore caapiñja nucubugo jugoyupu. To bairo Diore c̄a caapiñja nucubugoro bero Dio circuncisión cátí rotiyupu, “Yu ya, cañua yu caí t̄ujua ãmi,” ii. To bairi Abraham circuncisión c̄a cátiparo jugoye mere, “Cañua ãmi Abraham,” Dio c̄a caí t̄ujuyupu. Noa to bairona Diore c̄a caapiñja nucubugorāre, “Caroarā ãma,” na ī t̄ujumi Dio. Abrahāre, “Cañua ãmi,” cāre c̄a caí t̄ujuricarore bairona na ī t̄ujumi Dio judío maja cāníquēnare, circuncisión cátiquēna na cānibato quena. To bairi Abraham pāramerāre bairona ãnaa baima cūre bairona Diore caapiñjarā aniri. ¹² To bairona judío maja circuncisión cána na quena Abraham pāramerā ãma Diore na caapiñja nucubugoata. Mani ñich Abraham circuncisión cátiquēc̄a ãc̄upuña Diore c̄a caapiñja nucubugoricarore bairona cāna ãma. Na quena Diore na caapiñja nucubugoata Abraham pāramerāna ãma.

La promesa se cumple por medio de la fe

¹³ Tirumapure Abrahāre ocōo bairo c̄a caí cūñupi Dio: “Ati yepare m̄are, m̄a pāramerā quenare m̄ajaare yu joogu.” Diore c̄a caapiñja nucubugo c̄a cāno maca to bairo c̄a caí cūñupi Dio Abrahāre. Dio c̄a carotiriquere c̄a cátie wapa mee c̄a caí

cūñupi Dio. **14** “Dio Moisépare cū carotiriquere caroaro cána mani cāno maca mani quenare Dio Abrahāre cū caī cūricarore bairona mani joogumi,” ī tagooñabanama jīcaarā Diore api nucubugoquetibana quena. To bairo me ā na caī tagooñarije. Dio cū carotiriquere cátí peorā jetore Dio Abrahāre cū caī cūrica wame unore cū cajoata jocarāna Jesu ye quetire mani api nucubugoboricarā. To bairi Dio cū caī cūriquemātorijere bairona aniboricaro Jesu ye queti. **15** Dio Moisépare cū carotiriquere mani áti peo majiqueti majuuçōa. To bairi Dio cū carotiriquere camaja na cátiquētie wapa na popiyeyegumi Dio. Cū carotirique camamata tiere cū carotiriquere cabai netoorā maniborāma.

16 To bairi cūre caapiuya nucubugorā jetore Abrahāre cū caīrica wame unore warinuuriquere na joogumi Dio, na mai tujari. Judío majare Moisé cū cátí rotirique cána quenare, tiere cátiquēna quenare warinuuriquere na joogumi Dio Abrahāre bairona Diore caapiuya nucubugorā na cāmata. Cū ãnacure bairona Diore caapiuya nucubugorā mani cānicōamata, “Abraham pāramerā majuuna ãma,” mani ī tujumi Dio. **17** Dio Abrahāre cū caī buioricarore bairona ī ucarique ā Dio Wadarique cāniepū: “Capārā maja ñicure mū yū cū,” ī ucarique ā Abrahāre Dio cūre cū caī cūriquemā. To bairo Abrahāre Dio cūre cū caī cūrica wamere cū caapi nucubugoro maca mani ñicū cānipaure cū cacūñupi Dio Abrahāre, Diore caapi nucubugorā ñicure. Dio maca ãmi cabai yajiricarāre catunu catio majii. Camanibataje quenare to cāno áti majimi. To bairi, “Seeto camajii aniri cū caīrore

bairona átigumi Dio,” cu caī nacubugoyupu Abraham Diore.

18 “Mu pāramerā capāarā majuu anigarāma,” Abrahamē Dio cu caīri pare Abraham capunaa mácu cāñupu mai. Capunaa mácu anibacu quena, “Dio yure cu caī cūri wamere bairona baigaro,” caī tugooñau Abraham.

19 To bairo tugooñari cien cānacā cuma cacugou anibacu quena, cu numo Sara quena seeto majuu cabuch, capunaa máco co cānibato quena, “Capunaa mana jā anicōagarā,” caīquējupi. “Dio cu cabuiori wame cariape baigaro,” i tugooñari Diore caapiuja nacubugo janaquējupu Abraham. 20-21 “Yure cu caī cūrica wamere átiquēcmi Dio,” caī tugooñiaquējupu Abraham. “Yure cu caī cūrica wame yu átiboja majiimi Dio, camaji netou aniri,” i tugooñau netobujaro Diore caapiuja nacubugoyupu. 22 To bairo caroaro Diore cu caapiuja nacubugoro tuju, “Cañuu, caroaro cácu ãmi Abraham,” cu caī tujuyupu Dio. To bairona i ucarique ã Dio Wadarique cāni puuropu.

23 Abraham jeto meere i uca buio majorique cāñupa ti wame. 24 Mani quenare ati wamere mani camajiparore bairo i ucarique cāñupa. To bairi mani quena Diore mani caapi nacubugoro, “Cañuurā ãma naa,” mani i tujugumi Dio mani quenare. Diona ãmi mani Upau Jesure catunu catoricu, cabai yajiricu cu cānibato quena. 25 Jesu maca caroorije mani cátie wapa mani cabai yajibojayupi. Cu cabai yajiro bero cu catunu catorique jugori, “Cañuurā ãma,” mani i tuju majimi Dio manire.

5

El resultado de ser aceptados como justos

¹ Caroorije mani cátiere Jesucristo manire cʉ cawapayebojaro maca, “Caroarā āma,” mani ī tʉjʉmi Dio. To bairo cʉ caĩ tʉjʉrā aniri caroaro mani ã Dio mena. ² To bairi Jesure mani caapiʉja nʉcʉbugoro tʉjʉʉ Dio maca mani mai tʉjʉmi. Mani mai tʉjʉri cʉ yarā majuu caroaro cʉ mena macana manire cacūñupi. To bairi caroaro cʉ mena cāna aniri cʉ mena to cānacā rʉmʉ caroaro mani cānicōa aninucupere mani tʉgooña wariñuu. ³ To bairi capopiye tamʉorā anibana quena mani tʉgooña wariñuu. Ñuuquētie tamʉoriquere canʉcarā mani cāmata netobʉjaro Diore apiʉja nʉcʉbugori, caroaro Dio yere tʉgooñarā mani bai. ⁴ To bairo caroaro canʉcarā mani cāno tʉjʉʉ Dio, “Caroaro cāna mʉja ã,” manire ūimi. To bairo manire cʉ caĩ caroaro manire cʉ cátibojapere mani tʉgooña wariñuu. ⁵ “Jocarā mee, manire átibojagʉmi Dio,” mani ī tʉgooña maji. Dio cajooyupi cʉ Espíritu Santore mani mena cācure. To bairi cʉ Espíritu Santo mani mena cʉ cāno mani maji seeto Dio manire cʉ camairijere. To bairo caroaro manire cʉ camairijere majiri, “Jocʉ mee ūimi Dio, caroaro mani átibojagʉmi,” mani ī maji yua.

⁶ Dope bairo mani majuuna caroarā mani cāni majiquētore tʉjʉri caejayupi Cristo, manire bai yajibojaʉ acá. Mani cabai yajibojayupi cʉre cabooquetana mani cānibato quena. ⁷ Jīcaʉ camajocʉ cʉ yaʉ cabai yajibojare cʉ maii, “Yʉ mácana mʉ yʉ bai yajibojagʉ,” ūi cʉre cʉ cabai yajibojarique buiorica wame maa. To bairo to cānibato quena

jīcaʉ cabai yajiboaʉ caroaʉ majuu cʉ cāmata apeī cʉ bai yajibojaboʉmi baii pʉa. ⁸ Cristo maca caroorije cána mani cānibato quena mani cabai yajibojayupi. To bairi, “Seeto mani maimi Dio,” mani ī maji cʉ Macʉ manire cʉ cabai yajiboya rotiriquere təgooña majiri. ⁹ Cristo manire cʉ carií re yajibojaro maca, “Caroarā ãma,” mani ī təjʉmi Dio. To bairo manire ī təjʉri mani popiyeyequetigʉmi caroorā ya paʉphre. ¹⁰ Diore cabooquēna, cʉ wapanare bairo cāna mani cānibato quena mani cabai yajibojayupi cʉ Macʉ Jesucristo. Caroaro Dio mena, Dio yarā mani cāniparore bairo cabai yajiyupi Cristo. To bairo manire cʉ cabai yajibojarique jʉgori Dio mena caroaro cāna mani ã. Cʉ yarā majuu mani ã. To bairi Cristo bai yajicōari bero catunu catiyupi ūrā, “Manire popiyeyequetigʉmi Dio,” caroaro mani ī maji. ¹¹ To bairi seeto majuu mani təgooña wariñuu caroaro Dio mena mani cāniere. Mani Upaʉ Jesucristo jʉgori caroaro Dio mena mani ã.

Adán y Cristo

¹² Adán caroorije cʉ cátaje jʉgori ati yepa macana camaja caroorije na cátigarije cāni jʉgoyupa. To bairi bai yajiri que na cāni jʉgoyupa. To bairi mani camaja nipetirā caroorije cána aniri cabai yajiparā mani ã. ¹³ Dio cʉ carotirique Moisépʉre cʉ cacūparo jʉgoye macanapʉ na quena to bairona caroorije cána cāñuparā. Dio cʉ carotipere cacūquējupi mai. “To bairi yʉ carotirique caapiʉjaquēna ãma,” cāñquējupi Dio mai caroorije cána na cānibato quena. ¹⁴ To bairona caroorije cána cāñuparā ti

yutea macana. Adán bero Moisé j^hgoye macá yutea macana quena to bairona caroorije cána cāñuparā. Dio Adāre c^h carotirica wamere Adán c^hre c^h cabai netoorica wame unore bairo cabai netoorā mee cāñuparā. Dio c^h carotirique camañupe mai ti yuteare. To bairi dope bairo, “Y^h carotipere bai netooma,” na caī t^huj^hquējupi Dio. Caroorije majuu cána cāñuparā paro. To bairi na nipetirā cabai yajiyuparā. To bairi Adán caroorijere áti j^hgo^h caroorijere cacūñupi. Nemoona caroorijere c^h cáti c^hro bero cayoato berop^h cāñup^h apeī maca nemoona cañuuriye jetore c^hac. Cañuuriye jetore c^hac aniri caroa wame macare cacūñupi.

¹⁵ Adán caroorije c^h cacūríquere bairo me ã Cristo caroa wame macare manire c^h cacūbojarique. Jíca^hna Adán caroorijere cacūñupi. To bairo nemoona caroorijere c^h cacūrije j^hgori camaja nipetirā cabai yajiparā cāñupa. Dio maca manire mai t^hu^hri Jesucristo macare cajooyupi, cañuu netori wame manire átibojah, manire netoo catio^h. ¹⁶ Adán caroorije c^h cacūríquere bairo me ã Cristo caroa wame manire c^h cacūbojarique maca. Adán caroorije c^h cátore t^huh, “Camaja nipetirā caroorije na cátie wapa popiye tam^hogarāma,” cāñupi Dio. To bairo c^h capopiyeyeparā na cāníbato quena na camaiñupi Dio. Na mairi, Jesucristore cajooyupi, camajare na c^h bai yajibojato ñi. To bairi caroorije mani cátie wapa Cristo manire c^h cabai yajibojaro maca tiere majiriog^hmi Dio mani ye wapare. To bairo ách, “Cañuurā ãma,” mani ñ t^huj^hgumi Dio, pairo caroorije cána mani cāníbato quena. ¹⁷ To

bairi jīcaʉ Adán nemoona caroorije cʉ cátō mani camaja nipetirã cabai yajiparã mani ã. To bairo mani cānibato quena Dio maca caroaro mani mai tʉjʉmi. Mani mai tʉjʉri caroorije mani cátiere majirio majimi Dio, Jesucristo jīcaʉna manire cʉ cabai yajibojarique jugori. Caroorije mani cátiere majiriori, “Cañuurã ãma,” mani ñ tʉjʉgʉmi Dio. To bairo noa una nare cʉ camairijere caboorã caroa wariñurique mena anicõa anigarãma Jesucristo mena. “Caroorije na cátiere na yʉ majiribojagu,” cʉ cañiquere caapi nʉcʉbʉgorãre to bairona caroa cānicõa aninucupere na joogʉmi Dio.

18 Jīcaʉ Adán caroorije cʉ cátaje jugori camaja nipetirãre Dio na cʉ capopiyeyebope cāñupa caroorije na cátie wapa. Jesu maca caroa wame macare cʉ cátibojarique jugori camaja nipetirã noa caboorã, “Caroorije yʉ cátiere yʉ majirioya,” Diore ñ majima. To bairo na caĩro Dio, “Cañuurã ãma, yʉ mena caroaro anicõa anigarãma,” na ñmi Dio.

19 Adāre Dio cāre cʉ cañrica wamere cabai netoo nʉcañupʉ Adán maca. To bairo cʉ cabai netoo nʉcaro camaja nipetirã caroorije cána cāni jugóyupa. Jesu maca Dio cāre cʉ cañrica wamere caapiñjayupi. To bairo cʉ caapiñjaro camaja capãarã, “Cañuurã ãma,” Dio cʉ caĩ tʉjʉrã ãma.

20 Moisépʉre cacūñupi Dio cʉ carotiriquere. Camaja nipetirã tiere tʉjʉ majiri, “Caroorã jā ã,” na majuuna na ñ tʉjʉ majiato ñi cacūñupi Dio. To bairi camaja na majuuna caroorije na cátiere na camajiata netobujaro majigarãma nare Dio cʉ camai tʉjʉrijere. **21** To bairi mani camaja nipetirã caroorije cána aniri cabai yajiparã mani ã. Dio maca mani mai tʉjʉri mani Ʉpaʉ Jesucristore ca-

jooyupi, “Cañuurā ãma,” manire cu caĩ tujuparore bairo. To bairo cu caĩ tujurā aniri cu mena mani anicõa anigarā yua.

6

Muertos respecto al pecado pero vivos en Cristo

¹ “Caroorije cána mani cãnibato quena Dio mani mai tujumi,” ūrica wame caroaro mujaare yu ĩ buio. To bairi, “Caroorije mani áti anicõato,” ĩ tugooñaqueticõaña. “Netobujaro mani mai tujugami Dio caroorije netobujaro mani cápata,” ĩ tugooñaqueticõaña. ² Caroorije cáticõa aniparã mee mani ã, Cristo manire cu cabai yajibojaro maca. Jícau ūcu cabai yajiricu ūneere áti majiquẽemi. To bairo cu cátí majiquẽtore bairona caroorijere cátiquetipe ã mani quenare. ³ Mani cabautisa rotiwu, aperã, “Jesucristo yarã ãma,” manire na caĩ tuju majiparore bairo. Caroorije mani cátie wapa manire cabai yajibojayupi Jesu. To bairo cu cabai yajibojaricarã aniri cure bairona mere cabai yajiricarãre bairona ãnaa mani bai. Bautisa rotirã, “Jáana jã cabai yajiwu,” cařrare bairona ãnaa mani bai. ⁴ To bairi bautisa rotirã, Jesu rupau ãnatore na cayaa rocaricarore bairona caroorije mani cátí ãnajere cátí rericarã mani ã. Tiere cátí rericarã aniri caroorijere cátí janarã mani ã. Mani Pacu Dio caroaro cu cátí majirije mena Cristo cabai yajiricure cu catunu catioyupi Dio. To bairona Dio caroaro cu cátí tutuarije mena mani quena caroaro mani cátiparore bairo manire átinemogumi Dio.

⁵ Cristo yarā mani cāmata, “Jāana jā cabai yajiwʉ,” caīrāre bairo mani bai, cʉ cabai yajibojaricārā aniri. To bairi mani quena cʉ catunu catirore bairona tunu catí tʉgooñarāre bairona mani bai. ⁶ Cristo yucʉ tēorica pāipʉ cūre papua jīarā manirena cāni jʉgorica yeri cañuuqueti yerirena ánare bairo ána cājupa. To bairona carotiyupi Dio caroorije mani cátí ʉjáaquetiparore bairo ñi. ⁷ Jīcaʉ cabai yajiricʉna caroorijere áti majiquēemi. ⁸ To bairi Cristo manire cʉ cabai yajibojaro ñrā mani quena mere cabai yajiricārāre bairona cāna mani ã. To bairi Jesu bai yajiri bero catunu catiricʉ cʉ cāno maca, “Cʉ mena caroaro cacati aniparā mani ã,” mani ñ maji. ⁹ Ocōo bairo quenare mani ñ maji: Cristo bai yajiri bero, tunu catí, bai yaji nemoquetigʉmi. Catunu catiricʉ aniri cabai yajinemopah me ãmi. ¹⁰ Jīcanina cabai yajiyupi. To bairo baii manire cawapayeboja re peocōañupi caroorije mani cátiere. To bairi tunu catiipʉ Dio cʉ caboorijere cācʉ ãmi yua. ¹¹ To bairi, Jesucristo cʉ cabairicarore bairona bairāna mani bai ñrā, ocōo bairo ñ tʉgooñaña mʉjaa: “Jesucristo manire cʉ cabai yajibojaricārā aniri mani majuna mere cabai yajiricārā cānare bairona mani bai cāni jʉgorique cañuuqueti yericʉtaje. To bairi cabai yajiricʉ cʉ cátí majiquētore bairona mani quena caroorijere cátí ʉjáaquetiparā mani ã. To bairi catiipʉ Dio cʉ caboorije macare cátiparā mani ã, Jesucristo yarā aniri,” ñ tʉgooñaña mʉjaa.

¹² To bairi yucʉacā cabai yajipa rupaʉricʉna ãnapah caroorije cáticōa aninucurā aniqueticōaña. To bairi caroorije mʉja cátigabatiere átiquēja. ¹³ Caroorije cáticōa anigarā aniqueticōaña. Diore

cabooquēna na cayajiri paupu maja cāábopere Dio cu canetooricarā maja ã. To bairi Dio cu caboorije jetore cáticōa aninucurā ãña. Cacatiri rupaú mena catirápú to bairo jeto cañuuriye áti anicōaña. ¹⁴ Moisépure Dio cu carotiriquere cu cacūrique majaare carotipa wame me ã. Dio maca majaare camai tujuu aniri majaare carotii ãmi. To bairo cu camai tujurijere catugooñarā aniri caroorijere cáticōa aninucurā maja aniquetigarā yua.

Un ejemplo tomado de la esclavitud

¹⁵ To bairi Moisépure Dio cu carotiriquere catugooñarā mee mani ã. Dio manire cu camai tujurijere macare catugooñarā mani ã. To bairi, “Baiyupa tugooña uwiricaro mano caroorije mani áticōa aninucurā,” caí tugooñaquetipe ã manire. ¹⁶ Nii caboure cu cáti rotirijere átigarā, “Mu paabojari maja jā anigarā,” cu maja caíro maja upau anicōagumi. Cu caboorijere cána maja anigarā. To bairi, “Caroorije cána mani anicōato,” maja caíata quena, “Tie caroorije yure carotiro to anicōato,” caírare bairo maja aniborā. To bairi caroorijere maja áti jana majiquetiborā. To bairi Diore cabooquēna na cayajiri paupu cāáparā maja aniborā. Dio macare maja caapi nucubugoyaata, “Caroarā ãma, yu yarā ãma,” maja ñgumi. Mere ti wamere maja maji. ¹⁷⁻¹⁸ Tirumupu caroorije cáticōa ãna maja cānibajupa. Caroorije majaare to cáti rotirore bairona cána maja cāñupa. Cabero caroa quetire aperā majaare na cabuiorijere caroaro maja caapi nucubugoyupa. To bairi yucuacā caroorijere cána mee maja ã. Caroa

macare Dio cu caboorijere cna muja . To bairo muja cniere tugooari, “uu majuucoa na mu ctie,” Diore cu yu  warinuu. **19** Caroaro muja caapi majiparore bairo mujaare yu  buio majio ati wamere paabojari majocu cu capau cutiere. Tirumapu, “Caroorije cna mani anicato,” muja canupa caroorije jetore ti napu. Yucra, “Canuurije macare cna mani anigar,” na mujaa, canuur, Dio yar, cu caboorije macare cna anigar.

20 Tirumapu caroorije jetore ctigar aniri caroa macare muja cti majiqujupa. **21** Tirumapu caroorije cna napu ne unie caroa warinuuriquere muja bugaquetana. Yucac caroorije tirumapu muja ctibatajere tugooar muja bobo tugoonanucu. To bairo muja cticoa nato bero to cmata Diore cabooquna na cabai yajiri papu muja abor. **22** To bairi caroorije Satan cu cti rotirijere cti majipar mee mani , tiere Cristo maca manire cu cawapaye rebojaro. Dio cu caboorije jeto ctipar muja  yucra. To bairi cu caboorije cna aniri canuurije majuure muja buganucu: “Canuur ma,” mujaare cu carijere, cu mena to cnac rmu cacaticoa aninucupere muja buga. **23** Caroorije taje maca yajirique jeto wapa joo. To bairo to cnibato quena mani pau Jesucristore mani caapi nucubugoata Dio maca to cnac rmu cacaticoa aninucupere manire joogumi wapa manona.

¹ Yu yarā, Moisépure Dio cu carotiriquere cama-jirā muja ã. Noo cācu cu cacatiri rumu cōo tiere cátipau ãmi. Cu cabai yajiro bero dope bairo cure áti roti majiñā mano tie. Mere muja maji. ² Ocōo bairo ï Dio cu carotirique: Jīcao cāromio co manapu cu cacatiro cōo cu mena jeto co ãamaro. Co manapu cu cabai yajiata Dio cu carotiriquere cabai netoo me ãmo apeī macare tunu co camanapu cupata.

³ To bairi co manapu cu cacatirona apeī mena co cāmata cátí epeo anibomo. Cu cabai yajiro bero maca apeī macare co camanapu cupata Dio cu carotiriquere cabai netoo aniquetibomo. Camanapu bai yaji weorico aniri cátí epeo me ãmo apeī co camanapu cupata tunu.

⁴ To bairona ã, yu yarā, Dio cu carotiriquere mani cabairije. Cristo manire cu cabai yajibojaro manina cabai yajiricarâre bairona mani ã. To bairi, “Tie Moisépure Dio cu carotirique manire carotipa wame me ã yucura,” mani ï maji. “Dio cu carotiriquere cána mani cāno cu mena mani cānicõa aninucupere mani joogumi Dio,” ïrica wame mani ïqu e yucura. Jesu cu cabai yajibojaricarâ aniri cu yarā majuu mani ã yua. Bai yajibacu quena catunu catiyupi Jesucristo. To bairi Jesu catunu catiricu yarâ aniri Dio cu ca-boorijere cátiparâ mani ã yucura. ⁵ Cajugoyepu mani majuuna mani caboorije cátí ãna ãnapu Dio cu carotiriquere mani cátigaquetinucuwu. To bairi Dio cu carotiriquere api majirâpu caroorije majuu mani cátiga aninucurijere mani camajiwu. To bairi Dio cu carotiriquere átiquetibana caroorije netobujaro cátigarâ mani cāmu. To bairo mani cānaje wapa caroorâ na ya paupu cayajiparâ mani

cānibajupa. ⁶ Yuc̄ra Moisépure Dio c̄ carotiri-quere catugooñaparā mee mani ã. Tie mani cáti ocabutiquētie wapana manire cabai yajibojayupi Jesu. To bairi c̄ cabai yajibojaricarā aniri manina cabai yajiricarāre bairona cabairā mani ã. To bairi Moisépure Dio c̄ carotirique manire carotipa wame me ã yuc̄ra. “Tiere cāno cōo ȳ átiḡ, cañuña anigu,” mani ī majiquēe. Yuc̄ra Dio Espíritu Santo mani mena aniri cawama yeric̄una maca mani cāno áami Dio. To bairo c̄ cátō cañurijere Dio c̄ caboorijere cátiparā mani ã yuc̄ra.

El pecado que está en mí

⁷ To bairi, “Moisépure Dio c̄ carotirique ñuuquēe,” caī t̄ugooñaqueiticōape ã manire. C̄ carotiriquere cacūñupi Dio, “Caroorije ã tie mani cátie,” mani caī majiparore bairo ñi. C̄ carotirique to camamata, “Tie ã caroorije mani cátie,” mani ī majiquetiboricarā. Ocōo bairo carotiyupi Dio Moisépure: “Apeī c̄ yere t̄uj̄ ugoouqueticōaña.” To bairo c̄ cañquēpata, “Apeī c̄ cacugorije t̄uj̄ ugoorique caroorije ãno,” ȳa ī majiquetiboric̄. ⁸ To bairi tie Dio c̄ carotiriquere majii, “Seeto rooro aperā yere caboo t̄uj̄u ȳa ã,” ȳa caī majiw̄a yua. Ti wame Dio c̄ carotiriquere ȳa camajiquēpata, “Ti wamere caroorije cāc̄u ȳa ã,” ȳa ī majiquetiboric̄. To bairo majibac̄u quena netob̄ujaro aperā yere ȳa catuj̄u ugoow̄a. ⁹ Dio c̄ carotiriquere caroaro ȳa camajiparo j̄ugoye, “Caroaro cāc̄u ȳa ã,” ȳa caī t̄ugooñabap̄u mai. Dio c̄ carotiriquere majiri, “Caroorije macare cāc̄u ȳa ãñupa,” ȳa caī majiw̄a. Tiere majiri, “Caroorā na cabai yajiri paup̄u cāaápau ȳa ã,” ȳa

caĩ tugooñarique pai jutiritiwu yua. ¹⁰ Camaja Dio cu carotiriquere na caapiujaata caroaro majuu aniboricarãma. Yua Dio cu carotiriquere majiri yu catugooñarique pai jutiritiwu, “Tiere áti ocabuti majiquetibacu cayajipau yu ã,” í majiri. ¹¹ To bairi jocuna, “Caroaro cácu yu ã,” yu caĩ tugooñabajupa. Dio cu carotiriquere majiipu, “Tiere cátigaquẽcu yu ãñupa,” yu caĩ majiwu, caroorije maca yu cátajere majiri. To bairi, “Caroorã na cabai yajiri paupu cáaápau yu ã,” yu caĩ majiwu yua.

¹² To bairi Moisépure Dio cu carotirique caroa macaje jeto ã. Cariape í cu carotirica wame. ¹³ To bairi tie cañuuriye to cãnibato quena, “Yure cayajiro áa,” caĩ tugooñaquetipe ã. Mani majuuna caroorije cátana aniri cabai yajiparã mani ã. Cañuuriyere Dio cu carotiriquere camajirã aniri dije caroori wamere mani cápata, “Caroorije yu áa, Dio cu carotiriquere cátiquẽcu yu ã,” mani í maji. To bairi caroorã mani cãniere majiri, tie wapa mani cayajipe quenare mani maji. To bairi Dio cu rotiri-quere cacuñupi, “Yu carotiri wamere na cátiquẽtie caroorije majuu ã,” na í majiato ñi.

¹⁴ “Diona cu carotiriquere Moisépure cu cacuñupi,” mani í maji. Yu maca camajocu, caroorije cácu yu ã. To bairi caroorije jeto yu áti aninucu. ¹⁵ Caroa yu cátigabatiere yu átiquetinucu. Yu cátigaquẽtie macare yu áa. Nope ñi to bairo yu ácu, yu í majiquẽe. ¹⁶ To bairi caroorije átigaquetibacu quena caroorije yu áa. To bairo átibacu, “Dio cu carotirique cañuuriye majuu ã,” yu í maji. ¹⁷ To bairi caroorije yu cátie yu majuuna yu cátigarije me ã. Yu yeripu caroorije cátigarije

anicōari caroorije yu cátó roque áa tie majuuna.
18 “Yu camajocu ati yepa macacu aniri yu yeripu caroorije cátigarije jeto anicōa,” yu ī maji. Caroare átigabacu quena yu áti ocabuti majiquēe. **19** To bairi caroa yu cátigabatiere yu átiquēe. Cañuuquētie yu cátigaquetibatie macare yu áa. **20** To bairi caroorije yu cátigaquetibatiere ácu yu majuuna yu átiquēe tiere caroorijere. Yu yeripu caroorije cátigarije anicōari caroorije yu cátó áa tie majuuna.

21 To bairo jeto yu bainucu. Yu yeripu caroorije yu cátigarije to bairona anicōa. To bairi cañuuriye yu cátigarije to cānibato quena dope bairo áti majiña maa. **22** Yu tugooñariquepūre, “Dio cu carotirique seeto yu átigacupu,” yu īnucubapa. **23** To bairo yu cañucubato quena yu yeripu caroorije cátigarije anicōari yure mata caroa macare yu cátibopere. Yu catugooñarijepu caroare átigabacu quena yu rupa maca caroorijere yure áti roti. To bairi caroorijere yu áti jana majiquēe.

24 Caroorije áti jana majiquetibacu seeto yu tugooñarique pai. To bairo caroorije cáti rupaure carupauchu aniri caroorā ya paupu cásaápau yu anibou. ¡Aag! Caroorā ya paupu cásaábopau yu cānibato quena yucra yu yeripu caroorije cátigarije cāniere yure netoobojaumi Jesucristo. Cuna ãmi caroorā ya paupu yu cabai yaji aábopere yure canetooboja. **25** Mani Upa Jesucristona ãmi, yure canetooboja. To bairi Diore, “Ñuu majuucōa,” cu yu ī. To bairi yu majuuna yu catugooñarijepu seeto Dio cu carotirijere yu átigacupu. To bairo baibacu quena caroorije cáti rupaure carupauchu aniri caroorije yu yeripu

cátigarijere cácu yu anicõa.

8

La vida que es por el Espíritu de Dios

¹ To bairi, “Caroorã âma, caroorije na cátie wapa na yu popiyeyegu,” ïquëemi Dio cu Macu Jesucristo yarâre. Cu yarã aniri mani majuuna caroorije mani yeripu mani cátigarijere áticõa aniquẽe. Dio Espíritu Santo cu caboorije macare mani áticõa aninucu. ² To bairi Jesucristo ya yu cão Dio Espíritu Santo caroa yu cátí aniparore bairo maca yure áami. To bairo yure cu cátó caroorijere yu áticõa aninucu majiquẽe. To bairi caroorã na cabai yajiro na ya paupu yu aáquetigu, to bairo yure cu cátibojaro maca. ³ Mani majuuna cañuurã mani ani majiquẽe, Moisépare Dio cu carotiri-quere cátí peo majiquêna aniri. To bairo mani cabairijere tujuri Dio cajooyupi cu Macure caroorije mani cátiere cawapayebojapare. Cañuurã, cu yarã mani cäniparore bairo ii cu cajooyupi cu Macure. Mani camaja caroorije cána rupaure bairona carupaçucu cänupi Dio Macu Jesu. To bairi manire bai yajiboja, caroorije mani yeripu cäniere cawapaye re peocõañupi. ⁴ To bairo mani cátibojayupi Dio, Espíritu Santo cu cátí tutuar-ije mena cu carotiri que caíri wamerena caroare mani cátí ocabuti majiparore bairo ii. To bairi mani majuuna caroorije mani yeripu cátigarije mani áticõa aniquẽe. Dio Espíritu Santo cu caboorije macare mani áticõa aninucu.

⁵ Noa na majuuna caroorije na cátigarijere cátinucurã na yeripu caroorije na cátiganucurije

jetore catgooñacõa ãna ãnama. Aperã maca Dio Espíritu Santo cu caboorije macare cáticõa ãna Dio Espíritu Santo cu câniere catgooñacõa ãna ãnama. ⁶ Caroaro anigarãma. To bairo quena to cânacã rumu Dio mena anicõa aninucugarãma. Aperã maca na majuuna caroorije na cátigarijere catgooñarã maca caroorã na cãni papu aágarãma bai yajirãpu. ⁷ Na majuuna caroorije na cátigarijere catgooñarã Diore cateerã ãma. Dio cu carotirijere apigaquẽema. To bairi dope bairo áti majiquẽema cu carotirijere. ⁸ Dio cu catuju wariñuuriyere áti majiquẽema, to bairo na majuuna caroorije na cátigarijere catgooñarã aniri.

⁹ Muja maca Dio Espíritu Santore cacgorã aniri cu caboorijere cána muja ã. Muja majuuna caroorijere muja cátigarijere catgooñarã mee muja ã. Noa Dio Espíritu Santore cacgoquẽna maca Cristo yarã me ãma. ¹⁰ Muja maca cu yarã muja ã. To bairi mujaapure ácumi Cristo. To bairi Dio, “Cañuurã ãma,” muja ï tujuumi muja quenare. To bairo cu caí tujurã aniri muja yeri to cânacã rumu cu mena caroaro cãnicõa aniparã muja ã, caroorije muja cátibata rupau cayajicoatie to cãribato quena. ¹¹ Cristo cu cabai yajiro bero cu catunu catiogyupi Dio Cristore. To bairi muja quenare muja rupau to cabai yajibato quena tunu catiogumi Dio cu Espíritu Santo jugori. Muja quena Espíritu Santore cacgorã muja cãno to bairo muja átigumi Dio.

¹² Yu yarã, Espíritu Santore cacgorã aniri mani majuuna caroorije mani cátiga tugooñarijere cátí anquietiparã mani ã. ¹³ To bairona cána mani cãmata Diore cabooquẽna na ya papu cayajiparã

mani aniborā. Mani rupaₘ mena caroorije mani cátigarijere carerā mani ã Espíritu Santo j̄ugori. To bairo cₘ j̄ugori caroorijere mani cáti janaata to cānacā rₘmₘ Dio mena caroaro cānicōa ãna mani anigarā.

¹⁴ Noa Espíritu Santore cáti ujarā una Dio punaa ãnaa baima. ¹⁵ Dio cₘ Espíritu Santo manire joₘ, “Yu punaa ãma,” mani caĩ cūñupi manire. Paari maja na ūpaure na cauwi t̄gooñarore bairona c̄are cabaiparā meere mani cacūñupi Dio, cₘ Espíritu Santo manire joₘ. Cajugoyepₘ Dio cₘ carotiriquere áti peo ocabutiquetibana mani cauwiwu. Yucura mani uwiquēe, cₘ punaa aniri. To bairi Espíritu Santo mani mena cₘ cāniere t̄gooñarā, cₘ punaa aniri, “Caacₘ,” c̄are mani ī, Diore jenirā. ¹⁶ Dio Espíritu Santo j̄ugori mani maji Dio punaa mani cāniere. “To bairi Dio punaana mani ã,” mani caĩ t̄gooña majipere mani joomi Dio Espíritu Santo. ¹⁷ To bairi Dio Macₘ Cristo caroare cₘ cacugorore bairona mani joogumi Dio mani quenare. Dio punaana aniri cₘ ye caroare cacugoparā mani ã. To bairi Cristo yere ána mani catam̄oata quena, c̄are bairona caroaro majuu cāni wariñuurā mani anigarā.

La gloria que ha de venir

¹⁸ Ati rₘm̄ri ati yepapₘ ãnaa mani popiye tam̄obuja. Aperā Jesure mani caapiujaro booquēna mani popiyeyema. Cabero ape rₘm̄pₘ caroaro cāni wariñuurā mani anigarā. To bairi yucₘ mani catam̄orije to cānibato quena mani t̄gooñaquēna, cabero mani cāni wariñuu netope macare t̄gooñari. ¹⁹ To bairi ti paupₘ mani Dio

punaa caroaro majuu cāni wariñuurā mani anigarā Dio mena. To bairo cabairi paupu nipetirije Dio cū cátí jeñoorique cawama jeto wajoagaro. Nipetirije Dio cū cátaje, nipetirā cū cátana quena seeto caroaro cawajoarā anigarāma. **20** Nemoopare Dio caroa cū cátí jeñoo jugórique cañuurije jeto cānibajupa. Cañubataje to cānibato quena cañuuquētie maca to āmaro ūricumi Dio. Tie majuuna cabaiquējupa. Adán maca caroorije cū cátí jugó rooye tuuro, “To cōona yū cátí jeñoo jugobataje caboape to anicōato,” ūricumi Dio. Ape rumupu apeye cawama macare jeñooogu, caboa rotiyupi Dio. **21** To bairi atie Dio cū cátí jeñoo jugorique caboa repe ã. To bairo cabairije to cānibato quena cabero nipetirije cū cajeñooriquere caroa jeto wajoagumi. Mani cū punaare caroa rupaúricuna mani cāniparore bairo manire cū cawajoari pauna to bairona caroa jeto átigumi Dio tunu.

22 “Ati amarecoo macaje catamorije jeto ã,” mani ū maji. Nipetiro Dio cū cátí jeñoricarā, cū cajeñoorique catamorā, catamorije jeto aninucu mai. **23** Mani quena carupaúcuna aniri catamorā mani aninucu. Catamorā anibana quena, “Caberopa ani wariñuirique jeto anigaro,” mani ū maji, Espíritu Santore cacugorā aniri. To bairi Dio punaa aniri caroaro cū mena to cānacā rumu mani cānicōa anipere mani tagooña wariñuunucu. Cawama rupaú cariaqueti rupaú manire cū cajoope quenare mani tagooña wariñuunucu. **24** To bairona manire cū cacatiopere, cū mena caroaro mani cānipere tagooñari Diore mani caapiúja jugowu. To bairi, “Caberopa cawama rupaúricuna

caroaro cāni wariñuurā mani anigarā,” ūrica wamere apiri tiere manire cā cajoopere mani tūgooña wariñuu yuu. Manire cā cajoogari pā caejaro to cōona mani yuu janagarā. ūicaū mere cūgoapu to cōona tiere tūgooña yuu janaūmi, mere cacugou aniri. ²⁵ Mai Dio manire cā cajoopere tūjūquetibana quena tūgooña patowācaquēnana mani yuu.

²⁶ To bairi Espíritu Santo manire átinemomi, caroaro cāti majiquēna mani cāno maca. Mani ma-juuna dope bairo Diore mani jeni nūcabūgo majiquēe. Cāre mani cajenipa wame quenare mani majiquēe. To bairi caroaro camajiquēna mani cāno Espíritu Santo maca caroaro tutuaro Diore mani jenibojami. ²⁷ Mani Jesu yarāre manire jenibojami Espíritu Santo Dio cā caboorore bairona. To bairo Espíritu Santo manire cā cajenibojaro caroaro api majimi Dio, mani yeri catūgooñarijere catūjū majii aniri.

Más que victoriosos

²⁸ Manire cacūñupi Dio cā yarāre, cā caboorijere na átinucu anicōato ūi. To bairo manire cacūricū aniri nipetiro mani cabairijere caroaro áami Dio, netobujaro cañuurā na āmaro ūi. Cāre camairā mani cāno maca to bairona áami mani cabairijere. Ti wamere caroaro mani maji.

²⁹ Nemoopāna cā yarā cāniparāre mani camaji jūgoyeyeyupi Dio. Mani maji jūgoyeyeri cā Macure bairona cāniparāre mani cacūñupi Dio. To bairi Dio punaare manire cāni jūgoū āmi Dio Macū Jesu. ³⁰ Cajuçoyepu cā yarā cāniparā cā cacūricarāre mani capiyupi, cāre caapiújarā mani cāniparore bairo ūi.

To bairi, “Cañuurā ãma,” mani caĩ tujuyupi cûre caapiñjarãre. To bairo mani ĩ tujuu, “Cûre bairo caroarã, cabero cû tûpu câni wariñuuparãre mani cacûñupi Dio maca yua.”

³¹ To bairi tie caroa wame majure majiri ocõo bairo quenare mani ĩ maji: “Dio yarã, cû camai tujurã mani câno aperã noa una manire catuñateerã mani rooye tuu majiquënama.” ³² Dio cajooypyi cû Macû jîcaurena Jesucristore manire cabai yajibojapauare. “Cû yu maibûja yu Macure, to bairi cû yu jooquetigû,” cañquëjupi Dio. To bairi cû Macurena cajooricû aniri ape wame quenare mani catugooñari wame côona nipetirije caroare mani joogumi Jesucristo jûgori. ³³ To bairi cû cabejericarã mani câno, “Cañuurã ãma,” mani ĩ tujuñmi Dio. To bairo Diona manire cû caĩ tujurã mani câno noa una aperã, “Cañuuquëna ãma, nare carepe ã,” manire ĩ wada pai majiquënama. ³⁴ Jesucristo mani ye wapa manire cabai yajibojayupi. Cabai yajiricû anibacû quena tunu catí, Dio tûna ruiimi. Topuña ruiri Diore manire jeniboañ ácumi. To bairi aperã maca manire, “Caroorã ãma, na ye wapa na capopiyeyepe ã,” mani ĩ wada pai majiquënama. ³⁵ Noa manire Cristo cû camaiquëto roque áti majiquënama. Mani catamñobato quena, mani catugooñarique pai uwibato quena, aperã rooro manire na cátibato quena, ñagarique camanibato quena, cabopacarã mani cänibato quena, cauwiorije to cänibato quena, aperã manire na cajlagabato quena, “Mani mai janaquëemi Cristo,” mani ĩ maji. ³⁶ Ocõo bairo ĩ ucarique ã Dio Wadariquepû:

Mûre caapiñjarã jâ câno maca aperã mûre ca-

booquēna maca jāre jīaganucuma. Oveja na caīrā waibucurā nuricarāre camaja na cajā ugaga tūjū ujarore bairona jāre áama, jāre jīagarā, ī ucarique ā.

³⁷ To bairi to cānacā wame rooro tamuobana quena Diore apiuja janaquetiri mani nūca ocabuti maji, Jesucristo manire cámáii manire cū cátinemoro maca. ³⁸⁻³⁹ Seeto mani maimi Dio, Jesucristo yarā mani cāno. To bairi dije Dio manire cū camaiquēto maca cátipa wame máni majuucōa. “Cariape ā tie,” yū ī maji. To bairi mani cabai yajiata quena, mani cacatiata quena Dio mani mai janaquetigumi. Dio tū macana ángel maja quena, wātia quena, maca uparā quena Dio manire cū camai janaro áti majiquēema. Yuchacā cabairi wame, caberopū cabaipa wame quena, Dio manire cū camai janaro cátipa wame maa. Jō bui macana, ati yepa ēoro macana quena Diore manire cū mai jana roti majiquēema. Dije majuu Dio cū cátí jeñoorique manire cū camai janaro cátipa wame máni majuucōa. To bairi mani mai janaqueti majuucōagumi Dio yua.

9

Dios ha escogido a los de Israel

¹⁻³ Yū yarā judío maja na cāniere seeto majuu yū yeri tūgoooñarique pai. Jesucristore na canucabugóquētie wapa na popiyeyegumi Dio. To bairi Jesucristore na canucabugopere boū yū macare Dio cū rocacōato yū īboū. To bairi Dio nare cū popiyeyequeticōato ī na wapayebojaure

bairo yu átigabapa. Cristo mena macacu yu aniquetibouu, na maca Cristo mena macana na anicôato ii. Jesucristore caapiujau yu câno Espíritu Santo yu catugooñarijere carotii ãmi. To bairi cari-ape mujaare yu ii buio yu catugooñari wamere.

⁴ Tirumapu macacu Jacobo cawamecucu cabero Israel cawame wajoaricu pâramerâ jâ ã judío maja. Yu punaa na ãmaro ii na cabejebajupi Dio jâ ñicu jâare Israel majare. To bairi na mena cãñupi. Na mena ãchupu caroaro cu câniere na caiñooñupi. Cu caï cûriquere na buio majori camajare na cu cátibojapere na caï buiroyupi Dio Israel majare. Cu carotiriquere na cacuñupi. Cûre na cátí nucubugopa wii quenare cacugoyupa. “Caroaro na yu átibojagu muja pâramerâre,” na caï buiroyupi Dio.

⁵ Jâ judío maja Jacobo punaa nemoo câni jugoricarâ doce cânacâuna na pâramerâ jâ ã. Cristo quena ti poa macacâuna cabuiayupi camajocu anigu. Cristo ãmi Diona ati umurecoo nipetirijere caroti netouu. To bairi cûre mani áti nucubugocôa aninucugarâ. Amén.

⁶ Dio judío majare caroa macajere na cu cátibojabato quena capâarâ cu áti nucubugoquêema. Na canucubugoquêto, “Judío majare caroaro na yu átibojagu,” Dio nare cu caibataje baiquetigarô ii mee yu ii. Ocõo bairo maca ã: Jîcaarâ jeto judío maja Dio punaa majuu ãma. “Israel pâramerâ aniri nipetirâ Dio yarâ majuu ãma,” ïrica wame maa.

⁷ To bairona, “Abraham pâramerâ aniri cu ãnacûre bairona Dio yarâ ãma nipetirâ,” ïrica wame maa. Ocõo bairo caïñupi Dio Abrahâre: “Isaá pâramerâ câni bui pearâ jeto, ‘Yu pâramerâ majuu ãma,’ mu caïrâ anigarâma.”

⁸ Ocõo bairo

Ígaro Íi: “Abraham ya poa macana cabui pea ujarã na cāno maca yu punaa ãma,” na í tujuquëemi Dio. Dio, “Caroaro camajare na yu átibojagü,” cü caí cûriquere caapi nucabugorã maca Dio punaa majuu ãma naa. ⁹Ocõo bairo cañupi Dio Abrahãre: “To cõopu yu atigu,’ yu caíri paü caejaro yu atigu. To cõopu yu cáató mu námo Sara macü cütigomo.” To bairona caí cûñupi Dio Abrahãre cü macü Isaá cü cabuiapere yua.

¹⁰ Cabero jã ñicü Isaá námo Rebeca jícanina punaa catio pügarã cacugoyupo. Jícaü punaa, Isaá punaa jeto cãñuparã. ¹¹⁻¹³ Na cabuiaparo jugoyepuna caroaro o rooro na cátiquetibato quena Dio cabeje jugoyeyeyupü jícaüre. Cü beje jugoyeyei, ocõo bairo na paco Rebecare co cañupü Dio: “Cajugocü maca cü baire capaabojaü anigümi.” Cü caboorore bairona cabejei aniri to bairona cañupi Dio na paco Rebecare. To bairi camaja mani cátire tujü cõoñaquëchüna noa cü caboorare mani beje cûümi Dio cü yarã cãniparãre. Atie Dio ye queti ucarica püuropü to caírore bairona ã: “Jacobore cü yu mai netowü. Esaú macare cü yu maiquëpü,” cañupi Dio. To bairi Dio cü caboorore bairo na cabejeyupi, na cátaje wapa meere.

¹⁴ To roquere, “Dio na cátiboriquere tujü cõoñaquetibachü quena jícaüre cü mai netori cariape átiquëemi Dio,” í tugooñaqueticõaña. ¹⁵ Cajugoyepü Moisé tirumüpu macacüre: “Noa yu caboorä jetore na yu bopaca tujugü,” cü cañupi Dio. ¹⁶To bairi Dio cü majuuna manire cü cabopaca tujuro caroaro áami manire. Caroaro manire cü cátibojapere mani caboro o caroaro mani majuuna mani cátí

tutuarije wapa mee manire átibojami. **17** To bairi Dio cu majuuna cu cabooro cájupi Ejipto macana upaure tirumupu macacu Faraõ cawameccure. Ocõo bairo ï ucarique ã Faraõ cawameccure Dio ye queti ucarica püuropu: “Mure upau yu cajöowu, mu jugori yu catutuarijere yu áti iñoogu ï. Ati yepa macana nipetirã yu ye queti na majiato ï, upaure mu yu cajöowu,” ï ucarique ã Faraõ cu cãnjere. **18** To bairi Dio noa cu camai tüjügaräre na mai tüjüumi. Cäre canucabugogateerä quenare cäre na cabai netoo nücaro na áami. Cu caboro na átinucumi camajare.

19 To bairo cañije apirã ocõo bairo muja ï tügooñaborä: “Dio cu majuuna cu caboro mani yerire cäcä aniri, ‘Rooro áama, cabai buicuna áma,’ manire cu cañuetipe anibapa. Mani yeripüre cu cátigari wamere mani majuuna mani mata majiquëe. Mani cãnipere mani camata majiquëto maca, ‘Cabai buicuna áma,’ manire cu cañuetipe anibapa,” muja ï tügooñaborä. **20** To bairo me ã. Cawatoa cãna anibana quena cãni majuüre Diorena, “Cariape mu átiquëe,” cäre muja ï tuni majiqueti majuucõa Diore. Jotu caweore, “To bairi jotu yu wequeticõaña,” ï tuni majiquëto jotu quena. **21** Ríi weri majoco noo co caboro jeto we majimo. Jüca bürüarena noo jüca ru cawatoa cãnipa ru co caboro co cacugopa ru we majimo. Ti bürüarena ape ru caroa ru boje rümu cãno co cacugopa ru quenare co caboro we majimo. Co caboro co cátore bairona manire áami Dio quena cu caboorijere.

22 To bairi Dio cu catutuarijere iñou camajare na cu capopiyeyepere capopiyeyegaquëjupu rooro

na cátibato quena. Nemoona cariape na popiyeye-
boricumi Dio. ²³ To bairona na canacañupu Dio,
camajare na yu catuhyu bopacarijere na majiato
lui. Tirumapu mani cabejeyupi Dio cu catutuari-
jere na cu caiñooparare, caroaro cu cátibojaparare.
²⁴ To bairi manire bejei jícaarã judío majare jã
cabejeyupi. Aperã judío maja cāníquenare jícaarãre
cabejeyupi muja quenare. ²⁵ Judío maja cāníquena
jícaarãre Dio na cu cabejepere Dio ye quetire ocõo
bairo caĩ ucayupi Osea cawamecucu tirumapu
macacu cāniñaricu:

Yu yarã cāníquetana macare, “Yu yarã,” na yu
ígu. Yu camaiquetana macare, “Yu camairã
muja ã,” na yu ígu.

²⁶ “Dio yarã me ãma,” cařicarã macare, “Dio to
cānacã r̄umu cāch yarã, cu punaa ãma,” ūrique
anigaro, caĩ ucayupi Osea tirumapu macacu
Dio ye quetire ucau.

²⁷⁻²⁸ Judío maja na ye cānipe macare ocõo bairo caĩ
ucayupi Isaía:

Dio na popiyeyegumi ati yepa macanare. Dio
tirumapu cu cařicarore bairona, cu caĩ
buioricaro cōona cariapena uwaro mena
na popiyeyegumi ati yepa macanare. To
bairi Israel maja capáarã majuu anibana
quena jícaarãacã jetona netogarãma nare
Dio cu capopiyeyebopere, caĩ ucayupi Isaía.

²⁹ Cūa Isaíana apeye cauca jugoyeyeyupi tunu:

Mani Upa Jeová nipetirãre carotii jícaarãre Israel
pāramerãre cu canetooquēpata mani judío
maja mani yaji petiboricarã. Tirumapu
macana Sodoma, Gomora macanare na

cu capopiyeyero na cayaji petiricarore bairona mani yaji petiboricarã.

Los judíos y el evangelio

³⁰ Ocõo bairo mujaare yu buionemogu tunu: Judío maja cāniquëna maca, “Caroarã ãma,” Dio nare cu caĩ tujupere catugooñaquëjupa. Caroare na cátí ocabutiquetibato quena, “Caroarã ãma,” na ïmi Dio Jesucristore na caapi nucbugoata. ³¹ Judío maja maca, “Moisépure Dio cu carotiri-quere ána caroarã Dio mena mani anigarã,” caĩ tugooñanucubajupa. To bairo tugooñabana quena nipetirije Dio cu carotiri-quere cátí peo ma-jiquëjupa. To bairi, “Caroarã ãma,” na caĩ tujuwariñuuquëjupi Dio. ³² Dio, “Caroarã ãma,” nare cu caĩ tujuwariñuuquetajere tugooñari ocõo bairo mani ï maji: Na majuuna na catugooña tutu-arije mena caroare átigabana Jesucristo ye queti macare caapi nucbugoquëjupa. To bairi Cristore na caapi nucbugoquëtie jugori Utaapure capuga ta ña roca cumurãre bairona baima. Jesucristore api nucbugoquetibana cure camajiquëna ãma. ³³ Tiere ocõo bairo caĩ ucayupi Isaía tirumupu macacu Dio Wadariquepure:

Jerusalupu joogumi Dio jucau caroau majuu cu cabejeire. Cure cu cajoobato quena cu tuju teegarãma to macana, cu tujunucbugoquetiri. Jucaarã Jesucristore canucbugorã maca waririñuriqe bugagarãma. “Jocuna cu yu caapi nucbugobajupa,” ï tugooñarique paquetigarãma, ïrica wame caĩ ucayupi Isaía tirumupure.

10

¹ Yu yarã, Israel majare Dio na cu capopiyeyepe nare cu canetooro seeto yu boo. To bairi nare cu netooato ñ yu yeripu tagooñari nare yu jeni-boja Diore. ² Na cãniere ocõo bairo áama: Dio cu caboorijere átigabana quena cu caboorije majuu cariape api majiquéema. ³ To bairi Jesucristore na caapi nacabugoata, “Caroarã ãma,” na ñ tujuboum Dio. Ti wamere api majiquéema. Ti wamere api majiquetibana, “Mani majuuna tagooña ocabuttiri caroa jeto mani áti ocabuttigarã. To bairo mani majuuna caroare mani cátí ocabuttiro tuju, ‘Caroarã ãma,’ mani ïgum Dio,” ñ tagooñabama. To bairo ñ tagooñabana quena Dio cu caboorije majuure cabai netoorã ãma. To bairo cabairã na cão, “Caroarã ãma,” na ïquëemi Dio. ⁴ Moisépure Dio cu carotirique nipetirijere cátí peoyupi Jesucristo jica wame rujaqueto. Mani maca tiere mani áti peo majiqueti majuucõa. To bairi noa Jesucristore caapi nacabugorare, “Caroarã ãma,” manire ñmi Dio. Cristo manire cu cabai yajibojarique jugori mani netoomi Dio. Cu carotirique mani cátí peo majiquëtie to cãnibato quena mani netoo catiomí.

⁵ Moisé ocõo bairo cañ ucayupi Dio cu carotiriquere mani cátó Dio mena caroaro mani cãnipere: “Noa nipetirã yu carotiriquere cátí peorã caroaro Dio mena anicõa anigarãma.” ⁶ Jesucristore caapi nacabugorar Dio mena caroaro mani cãnicõa anipe macare ocõo bairo cañ ucayupi Moisé: “Umurecoopu wamu aácõari Cristore, ‘Járe átinemouu rui ajá,’ cu caípe ã,” ïqueticõaña. ⁷ Ape wame tunu: “‘Cabai yajiricarã ãnana na cãnopu yepa pupeapu rui aácõari Cristore cu cawamu

atí rotipe ã,’ tiere ūqueticōaña.” ⁸ Ocōo bairo maca ūrique ã Dio Wadariquep̄ c̄ ye quetire api majirique, tiere api nacabugorique majirioquēe ūro:

Dio ye queti cayoarop̄ cañ buorijere bairo me ã.

To bairi muja caapi majiquētie me ã. Mere Dio ye quetire muja maji muja yerip̄. Tiere muja ame buio maji, cañ ucayupi Moisé.

Tie quetirena jā buio teñanucu camajare, Cristore c̄ api nacabugoya ūrā. ⁹ To bairi tie quetire apiujari, “Jesu yu Upañ ãmi, jocarā mee,” ūri, “Cabai yajiricup̄re c̄ catunu catioyupi Dio,” ūrica wame mani yerip̄re mani canacubugoro mani netoobojaxumi c̄ure canacubugoquēnare c̄ capopiyeyepere. ¹⁰ Mani yerip̄re Jesucristore mani canacubugoro, “Cañuurā ãma,” mani ūtujumi Dio. To bairo, “Caroarā ãma,” mani ūtujuri mani netoomi c̄ capopiyeyebopere. To bairo manire c̄ canetoobojar aperāre cabuiope ã tunu.

¹¹ “Jesucristore caapi nacabugorā wariuñurique bugagarāma. Tugooñarique paquetigarāma c̄ure nacabugorā,” ū ucarique ã Dio Wadariquep̄re.

¹² Camaja nipetirāre jīcarore bairo na tujumi Dio, judío majare, judío maja cāníquēna quenare. Jīcahna ãmi mani Upañ. Camaja nipetirā Upañ ãmi Dio. To bairi camaja nipetirā nacabugorique mena c̄ure cajenirāre capee cañurijere na joo netogumi Dio. “Aperā ãma,” ūricaro mano, jīcaro cōo jetona na joogumi. ¹³ Dio ye queti ucarica pūurip̄ ocōo bairo ūrique ã: “Noa mani Upaure, ‘Caroorije yu cátajere yu majirioya,’ cañ jenirāre na netoogumi Dio nare c̄ capopiyeyebopere,” ū ucarique ã.

¹⁴ To bairije c̄ ūjeni majiquēema, Cristore api

nucabugoguetibana. Cu api nucabugo majiquëema, cu ye quetire cabuio ecooquetana aniri. Cu ye quetire api majiquëema nare cabuioparã na camano maca. ¹⁵ To bairi nare cabuioparãre aperã nare na cajooquëpata na buiora aá majiquetigarãma. Dio ye queti ucarica püuropë ocõo bairo ñ ucarique a: “Seeto wariñuuriqe ã caroa quetire Dio yere cabuio teñarã na cabuio teñarã ejaro,” ñ ucarique ã.

¹⁶ Tie quetire na cabuio ejabato quena capãarã apiujagaquëema. To bairona cañ ucayupi Isaía tirumëpu macacu: “Yu Upañ, jã cabuiorijere apiujagaquëema,” cañ ucayupi Isaía Diore cu ñi. ¹⁷ To bairi Cristo ye quetire apirã jícaarã cu nucabugogarãma aperã tiere na cabuioro.

¹⁸ Judío maja maca Dio ye quetire cabuio ecooquetana me ãma na maca. Nairoacã buiori maja nare cabuionucubajupa. To bairije ñrique ã Dio ye queti ucarica püuripure:

Dio yere buiori maja na cabuiorije ati yepa
nipetiropë jejacoapa. To bairi nipetiropë
macana api peticoama na cabuiorijere, ñ
ucarique ã.

¹⁹ Apeye múaare yu ñ buiogë tunu: Israel maja Dio yere buiori maja na cabuiorijere apirã cariape api majibatanama. Cariape api majibana quena cabai netoo nucanupá. Tiere múaare buionemou Moisé tirumëpu macacu Dio ye queti Israel majare cu cauarica wamere ocõo bairije múaare yu ñ buiopa:

“Aperã macare caroaro na yu átibojagü. ‘Dio
yarã me ãma, catugooña majiquëna ãma,’
múa cañrãre caroaro na yu átibojagü. To

bairo caroaro na yu cátibojaro na maja tuju
punijinigarã, na tuju ugoorã,” ñimi Dio, caï
ucayupi Moisé.

20 Cabero Isaía ñi ocabutiri cu quena ocõo bairo caï
ucayupi:

“Yure camacaquêna maca yure cabugawã,” ñimi
Dio. “Yu câniere cajeniñaquetana macare yu
câniere na yu camajiowu,” ñimi Dio.

Judío maja câniquêna cure na caapiujapere ñi, caï
ucayupi Isaía tiere. **21** Judío maja macare ocõo
bairo caï ucayupi Isaía nare Dio cu cañiquere:

“Yure apíjari yu mena macana áña,” na yu ñi pinu-
cubapu yure cabai netoo nucanucurãre.

11

Los de Israel que son salvos

1 To bairi Israel maja Diore apíjaqueti, cure
bai netoo nuca, na cabaibato quena na care
majuuquêjupi Dio. Yu quena Israel maja yau
yu á, cu carequetana mena macacu. Abraham
párami ani, Benjamín cutí poa macacuna yu á.

2 Tirumupu Israel majare na cabeje cûñupi Dio
cu yarã câniparãre. To bairi cu cabejericarãre
na carequêjupi. Dio ye queti ucarica puuripu
Elias Israel macanare Diopare cu caï wadajãñupi
maja majirã. **3** Ocõo bairo na caï wadajãñupi
Diore: “Yu Upau, mu ye quetire buiori majare
cajula re peocõañupa. Waibucurãre ju cajula joe buje
magobata tuturi quenare carecõañupa. Jucauna
yu ruja mure cátí nucabugonucuu yua. Jucauna
caruujau yu cânibato quena yure macarã áama, yu
quenare juagarã.” **4** To bairo cu caïro apii ocõo

bairo cu caĩ yuyupu Dio Elíare: “Jícau mee mu ã yure cátí nucubugonucuu. Siete mil majuu ãma yu yarã. Aperã na majuuna na cawericu Baal cawamecacure cañuu buequetana ãma,” cañupi Dio Elíare. ⁵ To bairona bai ati rumuri quenare. Elías cu cña yuteapu jícaarã camajare Dio cu cabeje cúricarore bairona ati rumuri quenare na bejecõa aninucumi Dio cu yarã caniparãre. Na bopaca tujuri to bairo na bejecõa aninucumi yucu quenare. ⁶ Apeye unie caroa wame na cátie wapa mee na bejemi Dio camajare. Na bopaca tujuri na bejemi cu yarã caniparãre. Apeye unie caroa wame na cátie wapare na cu cabejeata na bopaca tuju mee átiboumi. Caroa na cátie wapa maca aniboro.

⁷ Ocõo bairo ã: Israel maja, “Caroarã ãma,” Dio na cu caĩ tujupere caboo**ba**jupa. To bairo na caboo**ba**to quena, “Caroarã ãma,” na caĩ tujupuẽjupi Dio. Jícaarã cu cabejeri**ca**rare, “Caroarã ãma,” na caĩ tujuyupi Dio. Aperã na majuuna cu nucubugoqueticõari caamoorori manare bairo caapi majiquẽna cañupa. ⁸ To bairona na canaje catiere ï ucarique ã Dio ye queti ucarica puripu ocõo bairi wame:

Cáre canucubugoquẽna macare cu yere na caapi majiquẽto roque na cajupi Dio. To bairo na cu cátatore bairona ati rumuri quenare to bairona na áami Dio cáre canucubugoquẽnare. To bairi cu ye quetire caapi majiquẽna caamoorori manare bairona anicõama. To bairo quena Dio cu cátiere catuju majiquẽnare bairona anicõama, ï ucarique ã.

⁹ Ùpañ David tirumapu macacu c̄u quena ocōo bairo caucayupi:

Na boje rumari macaje quena rooro nare to baiato. Na popiye tamocōato na canucubugoquētie wapa.

¹⁰ Dio ye quetire caapi majiquēna na anicōato. Capee popiye tamorique nare to baiato, cañ ucayupi Ùpañ David tirumapu macacu.

La salvación de los que no son judíos

¹¹ “Judío maja Cristore na canucubugoquēto na re majuuðaricumi,” cañ tagooñaquetipe ã. “C̄u canetooquetiparā majuu ãma,” cañ tagooñaquetipe ã. Na quenare na netoogumi Dio c̄are na cabai netoo janaata. Ocōo bairo majuu ã. Na canucubugoquēto judío maja cāníquēna macare caroaro na átibojari nare c̄u capopiyeyebopere na netoomi Dio judío maja cāníquēnare. To bairo caroaro na c̄u cátó tujurā, “Jā quena to bairona jā baigarā,” ñrāma judío maja tunu. ¹² Judío maja Jesucristore na cabai netoo nucaro, caroaro na cátibojaqüējupi Dio. To bairo na cabai netoorique jugori aperā judío maja cāníquēna macare caroaro na cátibojayupi Dio. To bairi netobujaro caroaro ani wariuñugarāma aperori macana judío maja na quena Jesucristore na caapi nucubugoata.

¹³ Mujaaj judío maja cāníquēnare atiere ocōo bairije mujaare yu ñ buio: C̄u ye quetire cabuiopauare yu cacūwī Dio, judío maja cāníquēnare c̄u buioato ñi. To bairo yure c̄u cañ c̄uepe yu ye paarique cawatoa macaje me ã, yu ñ tagooña. ¹⁴ To bairi yu cabuiorijere caapiujarā caroaro Dio mujaare c̄u cátibojarijere tujurā jīcaarā yu yarā judío maja

na quena boogarāma maja cabairije c̄tiere. Maja cabairije c̄tiere t̄ujurā na quena apiuagarāma jīcaarā. Na caapiuaro na quenare netoogumi Dio. **15** Judío majá Jesucristore na canucubugóquēto caroare na cajooquējupi Dio, aperā macare c̄ yarā cāniparāre na cūgu. Judío majá na caapiuja nucubugoquētie j̄ugori aperā macare caroa ānajere na cajooyupi Dio. To bairi judío majá maca na caapiuaro caroa majuu anigaro. Na quena aperā mena Dio yarā capāarā c̄ cacūrā mena caroa anicōa aninucuriquere bugagaráma caya-jiboricarā anibana quena. **16** Ocōo bairo buio majorica wame ā cōorique mena: Pan áta b̄urua macaje jīca b̄uruaacā cañuata ti b̄urua nipetirona ñuu peticōaro. Yuc̄ canacori quena to cacatiata carupuri quena catí peticōaro. To bairi wame ā judío majare. Jā ñic̄ cāni j̄ugoric̄ Abrahāre, “Cañuu āmi,” c̄ caī t̄ujuyup̄ Dio. To bairi c̄ pāramerā quenare, “Caroarā āma,” na ī t̄ujugumi Dio, Cristore caapiujarāre.

17 Jīcaarā judío majá care ecooyupa Diore na caapiuquētie wapa. To bairi maja maca judío majá cāníquēna maca Dio yere apiujari maja cabai wajoayupa judío majá Dio yarā na cāníboriquere. To bairi maja quena nare bairona maja cabaiyupa judío majá menare Dio yarā mena jīca majare bairona. To bairi judío majá cāníquetana quenare Abraham pāramerāre bairo jetona cāniparāre maja cacūñupi Dio maja quenare. Jīca poa macana yu yarā na āmaro ūi cacūñupi Dio c̄ ye que-tire caapiujarāre. Judío majá, judío majá mee quenare to bairona jīca poa macana c̄ yarāre na cacūñupi Dio. **18** To bairi Dio yarā c̄ cacūricarā

aniri, “Judío maja netoro Dio cu camairā mani ã,” ī t̄gooñaqueticōaña. Ocōo bairo maca t̄gooña majiñā: Judío majare cabeje j̄ugoyupi Dio caroa quetire caapiñajaparāre. Na j̄ugori m̄uja quena m̄uja caapiñjayupa Dio ye quetire. To bairi, “Judío maja netoro Dio cu camairā mani ã,” ī t̄gooñaqueticōaña.

¹⁹ Ocōo bairo m̄uja ïborā: “Aperā cañuuquēna Dio yarā cāniboricāre na careyupi Dio judío majare, mani maca Dio yarā mani cāni wa-joaparore bairo ñi.” ²⁰ Cariape to bairo m̄uja ïrā. Jesucristore na caapi n̄acubugoquēto na careyupi Dio. M̄uja quena Jesucristore m̄uja caapi n̄acubugoquēpata cu yarā cānare cūquetiboricāmi Dio m̄uja quenare. To bairi, “Judío maja netoro Dio mena cāni majuurā mani ã,” ī t̄gooñaqueticōaña. “Dio mena cawatoa cāna mani ã,” ī t̄gooñari cu n̄acubugoya. ²¹ Judío maja Dio yarā cānibatana cāre na caapi n̄acubugoquēto na careyupi Dio. M̄uja quenare to bairona m̄uja regumi m̄uja caapi n̄acubugoquēpata. ²² Caroaro camajare cátibojāñāmi Dio. Caroaro cátibojāñā anibacu quena tutu-aro na popiyeyegāmi caroorije cānare. To bairi na careyupi Dio cāre caapi n̄acubugoquetanare. M̄uja roquere caroaro cátibojayupi. Cāre m̄uja caapi n̄acubugocōa aninucuata to bairona caroaro m̄uja átibojacōa aninucugāmi Dio. Cāre m̄uja caapi n̄acubugocōa aninucuquēpata roquere m̄uja regumi m̄uja quenare. ²³ To bairona judío maja Diore care ecooricarā na quenare caroaro na átibojagāmi Dio na cabai netoo janaata, Jesucristore na caapi n̄acubugoata. Dio cu carericarā na cānibato quena cu yarāre na cū majimi Dio tunu.

24 Muja maca judío maja muja cāníquetibato quena cu yarā cāniparāre muja cacūñupi Dio. Judío maja maca Dio cu cabeje jugoricarā ãma naa. To bairi cu yarā cāniparāre na cū majimi Dio judío maja quenare cu ye quetire na caapi nucubugoata.

La salvación final de los de Israel

25 Yu yarā, atiere cajugoye camaja na camajiquetajere mujaare yu majiogu. “Jā jeto Dio yarā, cu yere camajirā jā ã,” na ī tugooñaqueticōato īi atiere mujaare yu buiogu. Ati rumurire judío maja Israel macana capāarā ãma Diore caapiujagaquēna. To bairona caapiujagaquēna anicōa aninucugarāma. To bairo na cabairo judío maja cāníquēnare nipetirā Dio yarā cu cabejericarā Jesure na caapi nucubugoro bero judío maja capāarā Diore apiujagarāma yua. **26** To bairo Diore na caapiujaro nare cu capopiyeyebopere na netoobojobagumi Dio Israel macanare nipetirā cure caapiujarāre. Tie Israel macanare Dio na cu canetoobojpere ocōo bairo ī ucarique ã:

Camajare canetoopau Jerusalēpu cānacu atígumi.

Jacobo ãnacu pāramerāre caroorije na cátierre regumi.

27 To bairo caroorije na cátierre na yu camajirioro tirumupu, “To bairona mujaare yu átibojagu,” yu cañeparore bairona yu átigu, īmi Dio, ī ucarique ã.

28 Judío maja caroa queti Jesucristo ye quetire bai netoobana Dio wapanare bairo cāna ãma. To bairo na cabairije jugori muja roque judío maja cāníquēna maca Jesucristore muja caapiuja jugoyupa. Nemoopure na ñichu jāapure na

cabejeyupi Dio judío majare cu camai tujuparáre. To bairi yucu quena na mai tujumi Dio judío majare, cu wapana na cānibato quena. ²⁹ “Nare yu cabejewu yu camai tujuparáre,” na cañupi Dio judío majare, “Caroaro na yu átibojagu,” na ñi. To bairo nare cu cañ cūriquere bairona na átibojagumi Dio, cu cañ cūriquere camajiritiquu^ēcu aniri. ³⁰ Cajugoye muja quena Diore cabai netoo nucará muja cāñupa. Ati yutea cāno Dio judío maja cāre cabai netoo nucará na cāno tuju muja macare cabopaca tujuyupi. ³¹ Cabero to bairona baigaro judío maja quenare. Ati yutea cāno Diore apiujaquu^ēema. Cabero na quenare na bopaca tujugumi Dio. Mujaare cu cabopaca tujurore bairona na átiguumi na quenare. ³² Jícaro cōo Diore mani cabai netoorije jugori cabai buicuna mani ã. To bairi mani camaja nipetiráre jícaro cōona mani mai tujumi Dio cabai buicuna mani cānibato quena.

³³ Seeto majuu caroaro cátí maji netou ãmi Dio. Nipetirijere camaji peocōau ãmi. Cu catugooñarore bairo mani tugooña majiqueti majuucōa. Cu cátier, dope bairo cu cátipe unie quenare mani tugooña peo majiqueti majuucōa. ³⁴ To bairi wamen a ocōo bairo ï ucarique ã Dio Wadariquepu:

Jícau ûcu mávana mani Upau Jeová cu catugooñarijere camajii máni majuucōami. Jícau ûcu mávana, “Ocōo bairo maca cátipe ã,” Diore cañ majii máni majuucōami.

³⁵ Noa, “Yu wapamomi Dio, apeye uniere cu yu cajoorige wapa,” ï majiñña maa.

³⁶ Ati umurecloo macaje nipetiro cu cátaje jeto ã. Cu jugori nipetirije ati umurecloo macaje bainucu.

Nipetirije cu cacugo wariñuupe jeto ã. To bairi cure mani áti nucubugocõa aninucugarã Diore. Amén.

12

La vida consagrada a Dios

¹ Yu yarã, caroaro mani cabopacoo tujuyupi Dio manire. To bairi Dio cu caboorijere cána anicõaña muja quena. Cu yarã jeto anicõaña, caroorije átiquẽnana. To bairona cãninucurã muja cãno muja tuju wariñuugumi Dio. Diore, “Mu yu nucubugó majuucõa,” cu ̄rã to bairona cãnicõa aninucupe ã. To bairo caroaro na anicõato ̄i seetobuja mujaare yu ̄i buio atiere. ² Ati yepa macana Diore canucubugoquẽnare bairo aniqueticõaña. Cajugoye nare bairona ñuuquẽto muja catugooñabatajere wajoacõari, caroa macare tugooñaaña. To bairo ána, “Ocõo bairo boomi Dio,” muja ̄i majigarã. “Atie maca caroa macaje ã, atie maca Dio cu catujoorije ã,” muja ̄i majigarã.

³ Dio yure mai tujari cu ye quetire mujaare cabuiopaure yu cacuñupi. To bairo mujaare cu cabuio rotiriu aniri ocõo bairo mujaare yu ̄i buio nipetirãre: “Câni majua yu ã, aperã netoro cátí majii yu ã,” ̄i tugooñaqueticõaña mujaa. Ocõo bairo maca tugooñaaña: “Diore apijari yure cu cátí majori wame cõona yu áti maji,” tugooñaaña mujaa.

⁴ Buio majorica wame mena mujaare yu buiopa: Mani rupau juca rupau anibato quena capee pauri ricawati. Tie nipetirijena jucaro cõo me ã. Mani cape mena mani tuju maji. Mani amoorori mena mani api maji. Mani rupori mena mani aá maji.

Ricatiri jeto átaje ã. ⁵ To bairona mani bai Jesucristore caapiñjarã. Capãarã anibana quena jíca poa macana mani ã, jíca rupañre bairona, Jesure caapiñjarã mani cãmata. Mani nipetirã jíca rupañ ani turoricarore bairona mani ã.

⁶ To bairi Jesucristore caapiñjarã mani cãno to cãnacãñre mani joomi Dio ricati jeto mani cátí majipa wamerire, ricati mani caame átinemopa wamerire. Mani mai tñjari mani cátí majipa wamerire noo cù cajoogarijere mani joomi. To bairi to cãnacãña caroaro cátipe ã manire cù cajoori wamere. Jícaarãre cù ye quetire buio majiriquere joomi Dio. To bairi nare Dio cù cabuio rotiri wame cõona caroaro na buioato Cristo ye quetire. ⁷ Aperãre na cùmi Dio aperãre cátinemoparãre. To bairo na cù cátó caroaro aperãre na átinemoato. Aperãre Dio Wadariquere bue majiriquere na cù cajooro caroaro aperãre na bueato. ⁸ Aperã caroaro catugooña oocabuti majirã una caroaro aperãre tugooña oocabutiquere nare na buioato. Noa niyeru, apeye uniere cajoorã wariñurique mena na joato, na ye cãnibopere tugooñaquénana. Noa jügo áti majiriquere Dio na cù cajooro caroaro na yarãre na jügo áticõa aninucuato. Noa cabopacarãre cátinemorã wariñurique mena nare na átinemoato.

Deberes de la vida cristiana

⁹ Aperãre mairã, na mai riata majuucõaña. Caroorije átajere teeya. Caroa átaje macare áti tñjacõa aninucuña. ¹⁰ Jícañ punaare bairo mani ã, Cristore caapiñjarã aniri. To bairi caroaro ame mairi ame átinemoña. Mñja majuuna mñja camairo netoro aperã quenare na maiña.

11 T^ugooña ocabutirique mena m^uja cátipa wamere caroaro ája. Teeye paiteticõaña. Mani Upa^u Dio cu cat^ujoorijere caroaro wariñuuri que mena ája.

12 Caroaro majuu mani átibojag^umi Dio írã wariñuucõa aninucuña. M^uja capopiye tam^uoata t^ugooña tutuaya. Diore cu jeni nucubugocõa aninucuña.

13 Aperã Jesucristore caapijarã bopacooro na cámata, na átinemoña. Aáteñari maja m^uja t^up^u na caejaro caroaro wariñuuri que mena m^uja t^up^u na ani rotiya.

14 Rooro m^ujaare cánare, “Rooro m^ujaare to baiato,” na íqueticõaña. Caroaro na cabaipe macare Diore na jenibojaya.

15 Noa cawariñuurâre na wariñuunemoña. Aperã cayeri t^ugooñarique pairâre t^ugooña ocabutiriquere na buioya.

16 Caroaro wariñuuri que mena jícaro mena ame jugo anicõaña. “Aperã netoro câni majuu y^u ã,” í t^ugooñaquêja m^ujaa. “Cawatoa câc^u y^u ã,” macare í t^ugooñaña. To bairi, “Caroaro camajii y^u ã, aperã netoro,” í t^ugooñaquêja.

17 Aperã rooro m^ujaare na cátibato quena rooro na áti amequêja. Cañuuriye, cariape macaje jetore ája, aperã, “Caroaro cána ãma,” m^ujaare na caíparore bairo. **18** Aperã nipetirã menare caroaro na mena jugo áti anicõaña m^uja câni majiro cõo. **19** Y^u yarã, y^u camairã, aperã rooro m^ujaare na cátibato quena rooro na ame átiquêja. Dio maca na popiyeyeg^umi rooro m^ujaare na cátie wapa. Dio ye queti ucarica p^uurop^u ocõo bairo í ucarique ã:

“Yuna yu ã camaja caroorije na cátie wapa nare capopiyeyepau. Cariape nare yu popiyeyegu,” i buiomí mani Upau, i ucarique ã.

20 Ape wame quenare ocõo bairo i ucarique ã:

Mujaare catuju tutii ūcu quenare cu cañigo riaata cu nuña. Ocore cu caetigaro quenare cu tĩña. To bairo muja cátó rooro mujaare cu cátajere bobogumi, i ucarique ã.

21 To bairi aperã rooro mujaare na cátibato quena rooro na ame átiquẽja. Roro nare muja caame ápata netobujaro rooro majuu ame átaje aniboro. To bairo cabairo ūuuqueti majuucõaboro mujaare. To bairi caroa macare na ája. Caroa macare na átiri nare muja netogarã.

13

1 Dio majuuna ãmi ati yepa macana carotirãre cacũu. To bairi Dio cu cacũricarã ãma uparã. Cu majuuna cu cabejerericarã ãma uparã cãna. To bairo cu cacũricarã na cãno ūrã mani nipetirã nare caapiujaparã mani ã. **2** Noa ati yepa macanare carotirãre cabai netoorã una Dio cu cacũricarãrena cabai netoorã ãma. Na cabai netoorije wapa popiye tamuogarãma. **3-4** Carotirãre na cacũñupi Dio caroaro mani cãni wariñuuparore bairo ñi. Caroaro cãna maca uparãre na uwiato ñi mee na cacũñupi Dio uparãre. Roro cãna maca uparãre na uwiato ñi na cacũñupi Dio. To bairi uparãre uwiquenana caroaro na mena anigarã caroaro ája. To bairo caroaro muja cátó, “Caroaro muja áa,” muja ïgarãma naa. Caroorije cãna maca

m̄ja cāmata uwiya, cariapena manire popiyeye-garāma īrā. To bairo rooro cānare capopiyeyeparā na cacūñupi Dio ȳparāre. ⁵ To bairi ȳparāre na apiújaya, mani popiyeyerema ītugooñari. To bairi, “Na carotirije cariape macaje ã,” ītugooñari nare apiújaya. ⁶ Camajare caroaro nare cajugo ani-parāre na cacūñupi Dio ȳparāre. To bairi Dio nare c̄u cátí rotiriquere ánama īrā na ye paarique wapa gobierno ye cānipe wapa na cajenirijere cawapayepē ã.

⁷ Cariape wapayeya nipetirāre na m̄ja cawapamorijere. Niyeru gobierno ye cānipe ȳparā na cajenirije quenare na wapayeya. M̄ja ȳparā nipe-tirāre caroaro n̄acubugoriye mena na apiújaya.

⁸ Aperāre wapamo m̄gonucuqueticōña. Wapamorique mena ãnaje ñuuquēe. To bairi caame mairā maca ãña. Aperāre camaiii Dio c̄u carotirique cōona cácu ãmi c̄u ūcu. To bairi aperāre na maiña. ⁹ Dio c̄u carotirique ocōo bairo īucarique ã: “Áti epericarā c̄utiqueticōña. Jiaquēja. Aperā yere jee rutiquēja. Aperā na cátierē ītoqueticōña. Aperā yere t̄uj̄ ȳgoqueticōña.” Ape wameri ã Dio c̄u carotirica wameri. Tiere t̄uj̄ neo n̄acori ame maiña. M̄ja majuuna m̄ja camairore bairona aperāre na maiña. Ti wame, “Ame maiña,” Dio c̄u carotirica wame mani cápata Dio c̄u carotirica wameri cāno cōo cátí peorā mani anigarā. ¹⁰ Aperāre camaiii ūcu rooro na átiquēc̄umi c̄u t̄u macanare. To bairi aperāre na mani camaiata Dio c̄u carotirique cāno cōo mani áti peocōagarā.

¹¹ Mani cāni ȳatea yuc̄uacāna petigaro ī

thgooñari caroaro maja catíya. Cacanirãre bairona, cathgooñaquëna aniqueticõaña. Caroaro thgooñaña Jesu ch catunu atípere. Petoacã ruja Jesu tunu ejari umurecooph ch yarãre ch cajee aáparo. Nemoo Jesure cawama apíñjarã ãnaph, “Cayoato bero ch thph mani jee aágumi,” mani caí thgooñianucubaph. Yuchacã mani maji: Petoacã ruja Jesu manire canetoo catiou ch catunu rui atíparo. ¹² Camaja ati yepa macana rooro na cáti ãnona tunu atígumi Jesu. To bairi ati yepaph caroorã watoaph mani cãni yhtea petoacã mena peticoato bai. Yuchacãna Jesu ch yarãre manire jee aágumi ch thph, caroorije camanoph. To bairi ati yepa macana caroorije na cátinucuriye uniere cáti janaparã mani ã. Caroa macaje Dio ch cathjoorije macare cátinucupe ã. ¹³ To bairi caroa jetore cáti anicõa aninucupe ã. Boje rumh cãno rooro camaja na caí epe awajarije unie cána mani aniquëna. Caeti cumuqueticõape ã. Áti epericarã cachgoquetipe ã. Mani ame wada canamuqueticõato. Aperãre mani caugoo thgooña netoo nhcaqueticõape ã. ¹⁴ To bairi mani Upah Jesucristo ch cátnemorije mena caroa macaje maca áticõa aninucuña. To bairo áticõa aninucuri caroorije muja cáribopere thgooñaqueticõaña.

14

No critiques a tu hermano

¹ Jhicaarã Jesure nhchbhgobana quena ch ye que-tire caroaro api majiquëema. To bairo caroaro caapi majiquëna na cãnibato quena na mena caroaro ãña. Na cathgooñabati wamerire cawatoa

macá wamerire bairo na cañije na mena ame wada canamuqueticōaña. ² To bairo tunu jīcaarā Jesu ye quetire caroaro apīja majiquetibana, “Waibucu rire jā caugaata caroorije jā átiborā,” ī tagooñabana. Aperā maca, “Ugarique nippetirije ugā rotiri que ā,” ī tagooñama naa. ³ To bairi nippetirijere cauganucurā waibucu rire caugaquēna macare, “Catugooña majiquēna āma,” nare na ī wada paíqueticōato. Tiere caugaquēna maca, “Dio cu catujooquētiere āama,” na quena nare na ī wada paíqueticōato. Dio yarā anicōama, cu ye quetire canucubugorā aniri. To bairi nare na wada paíqueticōato. ⁴ Apeīre capaabojaure, “Caroaro mu upaure cu mu átibojaquējupa,” cāre mani ī majiquēna. Cu upau jīcauna āmi, “Caroaro yure mu átibojayupa,” caī majii. O, “Caroaro yure mu átibojayupa,” caī majii āmi cu upau. To bairona ā Jesu yarā quenare. “Caroaro yu átibojama,” o, “Caroaro yu átibojayupa,” jīcauna āmi mani Upaū Jesu to bairo manire caī majii. Caroaro mani cáticōa aninucuro roque mani átinemo majimi mani Upaū.

⁵ Jīcaarā, “Ti rūmu cāno Diore cátí nucubugope ā ape rūmari netoro,” ī tagooñarāma. Aperā maca, “To cānacā rūmu jīcaro cōona Diore cátí nucubugocōa aninucupe ā,” īma. To bairi mani nippetirā mani cátiere, “To bairo yu cátio cañuuriye ā,” cariape mani caī majiri wame jetore cátipe ā. ⁶ “Jīca rūmu ape rūmu netoro Diore cátí nucubugope ā,” caī ūcu Dio yu cátiere cu tūjoato ī to bairona īmi. Apeī, “To cānacā rūmu jīcaro cōona Diore cátí nucubugope ā,” caī ūcu cu quena Dio yu cátiere cu tūjoato ī to bairona īmi. Apeī ugarique

nipetirijere caugañ ūch Diore tagooña nacabugori ugumi. Ùgari, “Caroaro yare m̄ jooyupa,” ūmi Diore. Apeñ waibuc̄ rire caugaquēch ūch to bairona Diore tagooña nacabugou ugaguēemi. Cu quena cu ugarique oteriquere, “Caroaro yare m̄ jooyupa,” ūmi Diore.

7-8 Mani nipetirā mani ɻpañ Jesu yarā aniri c̄re canacabugoparā mani ã. To bairi catirāna mani majuuna mani cānipere carotirā mee mani ã. Mani cabai yajipe quenare mani majuuna mani roti majiquēe. Mani cabai yajiro bero quena Dio yarā aniri c̄re cāti nacabugoparā mani ã. To bairi catirāna, o bai yajirā quena mani ɻpañ Jesu yarā c̄re canacabugoparā mani ã. **9** To bairona c̄re mani canacabugoparore bairo ū manire cabai yajibojayupi Cristo. Cabero catunu catiyupi. Cabai yajiricarā ɻpañ, cacatirā ɻpañ quena aniḡ cabaiyupi Cristo.

10 Muja yarā Jesure canacabugorāre, “Roro áama,” nare ū wada paqueticoña. “Catugooña majiquēna ãma,” nare ū t̄j̄u requeticōaña. Mani nipetirā Dio t̄pu mani caejari paup̄u dope bairo mani cátajere t̄j̄u cōoñaḡmi Cristo. Nipetirā mani cátajere t̄j̄u majiri, “Caroa muja cáp̄u o rooro muja cáp̄u,” manire ūḡmi top̄are. To bairi muja majuuna aperāre, “Roro áama,” na ū buio bate wada paqueticoña. **11** Ocōo bairo ū ucarique ã Dio Wadariquep̄ure:

“Cariape majuu yu ū,” ūmi mani ɻpañ Dio cānicōa aninucuñ. “Camaja nipetirā yare áti nacabugori yu t̄na r̄popatuap̄ ejacumugarāma. Nipetirā, ‘Muña m̄

ã Dio, caroau, catutuau majuu,’ yare ñucubugogarãma,” ñucarique ã.

12 Ti wame ucarica wame queti apirã mani maji. Mani cãno cõorena manire jeniñagumi Dio ati yepa ãnapu mani cátajere.

No hagas tropezar a tu hermano

13 To bairi, “Dio cu catjooquëtiere mu áa,” caame ñwada paquetipe ã. Aperã mani yarã Jesure cancubugorã unare caroorije na cátiqueticõape ã. **14** Mani Upau Jesucristo yau aniri ocõo bairije yu ñmaji: Ugarique jíca wame uniere, “Cauga rotiya manie ã,” ñmajiña maa. Apeñ maca jíca wame gariquere, “Dio cu catjooquëtiere yu átibouu tiere yu caugaata,” ñtugooñaumi. To bairo cañ tugooñau aniri cariapena cabai buicu anibouumi tiere cu caugaata. **15** Aperã na cauga rotiquëtiere muja caugaata apeñ rooro cu catugooñaro muja átiborã. Cure camaiquénare bairo muja aniborã. Cu quenare cu cabai yajibojayupi Cristo. To bairi apeye uniere muja caugagarije jugori apeñ Cristore nucubugo janaremi ñrã ugaqueticõaña. Cu mairã gaqueticõaña. **16** “Yu cátaje cutie ñuubuja,” ñmajibana quena aperã, “Rooro áama,” yu ñrema ñrã tiere átiquëja. **17** Mani Upau Dio ye macaje me ã mani garique, mani etirique macaje. Dio ye majuu me ã tiea. Ocõo bairije maca ã cu ye macaje majuu cu carotirije: Cariape átaje. Aperã mena caroaro ãnaje. Cu Espíritu Santo jugori mani cãni wariñuurije. Tie maca cañuu netorije majuu ã. **18** To bairije Jesucristo cu caboorije cánare, “Caroarã áma,” na ñtuju wariñuumi Dio. To

bairona, “Caroarā ãma,” na ī tujanucuma camaja aperā quena to bairo cátinucurāre.

19 To bairi caroa macare mani ána, aperā mena caroaro anigarā. Jesucristore mani caapiúja ntuaparore bairo cátinemopa wamerire mani ána. **20** To bairi apeye uniere m̄ja caugagarije jugori aperā Diore na canucabugo janaro roque na átiquēja. Ùgarique nipetiri wame cauga rotirije ãno. To bairo to cānibato quena apeī, “Tiere caugaquetipe ã,” caī t̄gooñau ūch tiere m̄ja caugaro tujuboumi. To bairi tiere yu caugaro tujuri Diore nucabugo janaremi īrā ugaguēja. **21** Apeī Cristore apíúja janaremi īrā, “Tie mani cauga rotiquētie ã,” cu caírijere caugaquetinucuparā mani ã. To bairona vino na caírije camecchorije caeti-quetipe ã. Noo apeye unie rooro cu cátó cátiquetipe ã manire. **22** “Diore caapiújarā aniri nipetiri wame ugaga rotirique ã jāre,” caī t̄gooñarā m̄ja cāmata m̄ja majuuna Dio jeto cu caapi majiro to bairona ī t̄gooñacðaña. Aperāre, “Nipetiri wame ugaga rotirique ã,” ī buio batericaro mano to bairona ī t̄gooñacðaña. Aperā mena tiere ame wada netoquēja. “Dio cu catujuro atiere yu cátó ñuuubhja,” cariape caī t̄gooña majii ūch warinuwm̄. **23** Apeī maca, “Dio cu catujuro atiere yu caugaro ñuuubhja,” caī t̄gooña majiquēch ūch bai buicchumi cu caugaata. “Tiere yu caugaro ñuuquēto,” ī t̄gooñabacu quena tiere ugari bai buicchumi baiimi cāa. To bairi noo cāniere mani cátie, “Tiere yu cátó ñuuquēe,” ī t̄gooñabana quena ti wame mani cápata caroorije mani átiborā.

15

Agrada a tu prójimo, no a ti mismo

¹ Jesucristo cu catujoorijere caroaro catugooña majirã maca aperãre wada paiquénana canucape ã. “Na catugoonari wame ñuuquêe,” nare caĩ wada paquetipe ã, Jesucristo yere caroaro catugoonña majiquéna macare. “To bairo cátiquetipe ã,” na caĩ tugoonari wamere mani quena cátiquetiparã mani ã, apiuja janarema ïrã. Mani majuuna mani cátí wariñuuri wame jetore cátiquetipe ã manire. ² Aperã mani tu macana na catuju wariñuupe macare cátipe ã. Cristore seetobuja na apiujanemoato ïrã na catujoorije macare mani ána. ³ Cristo cu quena cu majuuna cu cátí wariñuuri wame cátiquéjupi, manire popiye tamuobojau. Ocõo bairo ï ucarique ã Dio ye quetire ucarica pûuripu Cristo cu Pacure cu cañiquere: “Mure caĩ tutirã rooro mure na caĩ eperiye nipetirije yurena rooro ï eperi ñima.” ⁴ Tirumupu Dio ye queti ucarique nipetirijere cacñupi Dio, tierie caroaro camaja na majiato ñi. To bairi tie quetire majirã, “Dio, ‘To bairo mujaare yu átibojagu,’ cu cañrique cõo mani átibojagumi,” mani ï tugoonña wariñuu ani maji. To bairo ï tugoonña majiri, mani nuca maji, popiye manire to cabaibato quena. ⁵ Popiye manire cabairije to cänibato quena mani canuca majiro áami Dio. Mani catugoonña ocabutiro áami Dio. To bairi Jesucristo cu caboorore bairo muja quenare caroaro muja caame jugo ãno, jucarore bairo muja cão roque mujaare cu átibojaaato. ⁶ To bairi jucaro mena tugoonari Dio mani Upau

Jesu Pacare, “Mʉ ñuu majuu cōa,” cāre mʉja ī wariñuu garā mʉja quena.

El evangelio es anunciado a los que no son judíos

⁷ To bairi, “Jā mena macana āña,” ñā aperā Jesucristore caapiñjarāre. “Yʉ mena macana āña,” manire caññupi Jesucristo quena. To bairo cʉ cañricarore bairona caroaro ñā mʉja quena aperā Jesucristore caapiñjarāre. To bairo caroaro mʉja caī nʉcabugoro tʉjʉrā aperā cariape, “Caroaro áami Dio,” caī nʉcabugorā anigarāma na quena.

⁸ Judío majare na átinemou acá cabaiyupi Cristo, yʉ ī. Jā ñicʉ jāare Dio nare cʉ cabuiorericarore bairona cájupi Dio, Cristore cʉ joʉ. To bairi Dio, “‘Caroaro yʉ átibojagu,’ cʉ cañrique cōo cariape cátí maji peoʉ āmi,” mani ī maji. To bairo mani caī majiparore bairo ī cájupi Dio. ⁹ Aperā judío maja cāníquēna, “Caroaro mani bopaca tʉjʉri caroaro manire átibojami Dio,” ī majima. To bairi wame na quena na caī majiparore bairo ī cájupi Dio, Cristore joʉ. To bairona ī ucarique ā Diore Cristo cʉ cañrica wame:

Aperā tʉpʉ judío maja cāníquēna na cānopʉ, “Caroaʉ majuu āmi Dio,” mʉre yʉ īgʉ. “Mʉre nʉcabugori mʉre yʉ ī wariñuu bajagu,” Cristo Diore cʉ cañrique caucayupa tirʉmʉpʉ macana.

¹⁰ Ape wame quenare ocōo bairo ī ucarique ā: Judío maja aniquetibana quena Dio yarā judío maja menare wariñuuña mʉja quena.

¹¹ Ape wame tunu ocōo bairo ī ucarique ā: Judío maja cāníquēna, nipetiri poari macana, “Caroaʉ majuu āmi Dio,” mʉre na ī wariñuu bajaato.

12 Ape wame Isaía quena caucayupi ocōo bairi wamere:

Buiagumi jīcau Isaí pārami. Judío maja cāniquēna quenare carotii anigumi. Cūre apiujari, “Caroaro mani átibojagumi,” ī tūgooñagarāma judío maja cāniquēna.

13 Dio caroaro manire cū cátibojapere tūgooñari maja tūgooña wariñuu maji. To bairi caroa ani wariñuurique majaare cū joato Dio cāre caapiujarā maja cāno. Cū Espíritu Santo majaare cū átinemoato, “Caroaro manire átibojagumi,” netobujaro maja caī tūgooña majiparore bairo ii.

14 Yū yarā, maja cāniere ocōo bairo caroaro yū maji: Caroaro cána maja ā. Jesucristo yere caroaro camajirā maja ā. To bairo cāna aniri caroaro maja ame buio maji maja cānipere. **15-16** To bairo caroaro maja cabaibato quena tutuaro mena majaare yū uca queti joo, majaare buiori. Na caapiriquere na majiritiqueticōato ii to bairona majaare yū buio atiere. Dio yūre mai tūjuri yū cacūwī judío maja cāniquēnare Jesucristo ye que-tire cabuiopaure. Judío maja cāniquēna maja una na quena na apiujaato ii to bairona yū cacūwī. To bairi cāre maja caapiujaro maja tūju wariñuugumi Dio. Maja tūju wariñuuri cū Espíritu Santo jūgori caroarā cū yarāre maja cūgumi Dio maja quenare. Aperā quenare majaare bairo cāna judío maja cāniquēnare cū yarā na cūgumi Dio yua.

17 Jesucristo yūre cū cátinemoro mena Dio yūre cū cátí rotiriquire caroaro yū áa. To bairi caroaro yū tūgooña yū ye paariquire judío maja cāniquēnare yū cabuiorijere. **18-19** Cristo yū mena cū cátaje je-tore majaare yū buionucu. Caroaro na cátibojayupi

Cristo judío maja cāníquēna quenare c̄a ye quetire ȳa cabuiorijere na caapiñjaro. Jesucristo ȳare c̄a cátinemorije mena ȳa cabuionucuw̄, caroa macajere ȳa cátinucuw̄. Espíritu Santo c̄a catutuarijere cáti iñooow̄ camajare apeye unie t̄aj̄a acharica wamerire. To bairi ȳa jugori tierie Dio nare c̄a cáti iñoori wameri t̄aj̄urā caapiñjawā judío maja cāníquēna. Cristo ye quetire buio peocōari ȳa cabuio teña jugow̄ Jerusalēp̄. Buio teña nutua, nipetirop̄ Ilírico cawamec̄top̄ ȳa cabuio nutua ejooow̄. ²⁰ Cristo ye quetire camaja tierie mai caapiñaquēna t̄ap̄ ȳa cabuionucuw̄. Tierie mere camajirā t̄ap̄, aperā mere na cabuioricarop̄re ȳa cabuionemogaquēp̄. ²¹ To bairona ȳa cáti nutuatiere Dio Wadariquep̄ ocōo bairo ī ucarique ã: C̄a ye quetire camajiquēnare na ī buiogarāma.

Tiere nare na caí buioro apirā caroaro api majigarāma cajugoye caapiñaquetana anibana quena, ī ucarique ã.

Pablo piensa ir a Roma

²² Jesu ye quetire caapiquetinucuricarā t̄ap̄ capee macarip̄ buio teñanucubac̄ m̄ja t̄ap̄ ȳa cāá majiquēp̄ mai. Capee niri seeto m̄ja t̄ap̄ aágabac̄ quena ȳa cāá majiquēp̄. ²³ Yuc̄ra yua ati macarip̄ ȳa buio teña yaparow̄. To bairi m̄ja t̄ap̄ ȳa aáḡ yoaro majuu capee cumari m̄ja t̄ap̄ seeto cāáaganucubaerā aniri. ²⁴ Españap̄ ȳa aáḡ. Top̄ aácā m̄jaare ȳa t̄aj̄ neto aáḡ. M̄jaare t̄aj̄a, jīca ȳateacā m̄ja t̄ap̄ ȳa cāni waríñuero bero Españap̄ ȳa caneto aápere ȳare m̄ja átinemogarā. ²⁵ Top̄ cāáápā anibac̄ quena yuc̄acā Jerusalēp̄ aácā ȳa áa

mai. Topa cāna Jesure caapiñjarāre átinemou niyeru nare yu joogu. Macedonia macana, Acaya macana yure na cajee áá rotirijere na yu jee aá joobojagü Jerusalén macanare. ²⁶⁻²⁷ Macedonia macana, Acaya macana judío maja cāníquëna, "Jerusalépu cāna judío majare Jesure caapiñjarāre nare cátinemoparā mani ã cabopacoorâre," caí tøgooñañupa. To bairo tøgooñari niyeru cajeni neoñupa, na átinemogarã. To bairo na cátaje ñuu majuucõañupa. Judío maja Dio ye macajere na cabuio jøgoyupa judío maja cāníquëna macare. To bairi na cátiboa jøgorique wapayerâre bairona áama Macedonia macana, Acaya macana niyeru nare na cajooro cabopacoorâre judío majare. Tie niyeru na cajeni neoriquere na joobojagü Jerusalépu aácu yu áa mai. ²⁸ Tie niyeru na cajeni neoriquere Jerusalén macanare na joo yaparou, EspaÑapu aácu mœjaare yu tøju neto aágü. ²⁹ Mœja tøpu ejau caroa macaje Cristo yere mœjaare yu buiogu. To bairo yu cabuioro apirâ seeto mœja api wariñuugarã. Tie jøgori caroaro ani wariñuuriqere mœja joogumi Cristo yua.

³⁰ Yü yarã, mani Üpaü Jesucristore canacubugorã mœja ã mœja quena. Espíritu Santo jøgori caame mairã mœja ã. To bairo cāna aniri seeto Diore yu jenibojaya yu cabapere. ³¹ Judea yepapu cāna Jesure caapiñjaquëna rooro yure na átiqueticðato ïrã, Diore yu jenibojaya. Jesucristore caapiñjarâre niyeru nare yu cajee aátiere tøjuri na ani wariñuato ïrã Diore jeniya. ³² To bairo Diore yure mœja cajenibojaro wariñuuriqere mena mœjaare yu tøju aágü Dio cü cabooata. To bairi mœjaare tøju ejau

caroaro yu yerijā tuju ani wariñuugu muja tupu. To bairo yu cabaiparore bairo ñrā Diore yu jenibojaya. ³³ Dio caroa ani yerijā wariñuuriquere cajou nipe-tirā muja mena cu anicōato. Amén.

16

Saludos personales

¹ Mani yao Febe cawamecucore muja tupu co yu joo. Jesucristore caapiujarā Sencrea cawamecuati macapu cānare cátinemoo ãmo Febe. ² Capāarāre na cátinemoo ãmo. Yu quenare yu cátinemowõ. To bairi mujaaa mani Ùpau Jesucristore caapiujarā caroaro muja tupu co ani rotiya co caejaro. To bairona Jesucristore caapiujarāre na caí nucubugope ã. Co caboori wamere co átinemoña.

³ Aquila, cu numo Prisila mena na ñuato. Na ya paupu Jesucristo ye quetire yu cabuio teñaro yure cátinemorā cāma. ⁴ Aperā yure na cajlagaro yure cátinemowā. To bairo yure na cátinemoro tujurā na quenare na cajlacoboypa aperā. To bairi, “Caroaro Pablore muja cajuupa,” na ñia. Aperā judío maya cāníquēna Jesucristore caapiujarā cāni poari macana nipetirā na quena, “Caroaro muja cajuupa,” Aquilare, Prisilare na ñooma. ⁵ Aquila, Prisila ya wiipu Jesucristore caapiujarā caneñaponucurā na quena na ñuato. Apeñ yu camaii Epeneto cu ñuato. Cuna ãmi Acayapu Cristo ye quetire caapiuja nucubugo jugoricu. ⁶ Co ñuato María quena. Pairo majuu muja tupu ãcopu cátinemomoñupo Dio ye macajere. ⁷ Yu ya maca macana Andrónico, Junias na ñuato. Na quena atopu presopu cajoo ecooricarā cāma. Yu jugoye Cristore caapiujayupa. Jesu cu

cabue j^hgoricarã, “Andrónico, Junias caroaro ma-juu átinucuma,” na ī nuc^hb^hgonucuma.

⁸ Apeī mani Ḫpa^h Jesure caapi^hja^h Amplia c^hñuato. C^h quena y^h camaii ãmi. ⁹ Apeī mani mena Jesucristo ye quetire cabuionemo^h Urbano c^hñuato. Apeī y^h camaii Estaqui c^hñuato. ¹⁰ Apeles quena c^hñuato. Nipetirije caroaro c^h cátie t^hjurí, “Caroaro Cristore caapi^hja^h ãmi,” c^hre mani ñ maji. Aristóbulo, c^h ya wii macana na ñuato. ¹¹ Y^h ya^h Herodión c^hñuato. Narsiso, c^h ya wii macana mani Ḫpa^h Jesure caapi^hjarã na ñuato. ¹² Trifena, Trifosa na quena na ñuato. Na romiri p^hgarã mani Ḫpa^h Jesu yere paanucuma. Apeo mani camaio Pérsida co ñuato. Co quena seeto mani Ḫpa^h Jesucristo yere paanucumo. ¹³ Rufo c^hñuato. Mani Ḫpa^h Jesure caapi^hja neto^h ãmi c^ha. C^h pacó quena co ñuato. Y^h pacore bairona y^h catujo ãmo. ¹⁴ Asíncrito, Flegonte, Ermas, Patróba, Herme, aperã Jesure caapi^hjarã na mena c^hana na ñuato. ¹⁵ Aperã Filólogo, Julia mena, apeī Nero^h c^h baio mena, Olimpa, aperã Jesure caapi^hjarã nipetirã na mena c^hana na ñuato.

¹⁶ Caroaro ame mairique mena ame ñuu rotiri, ame t^hjuñucuña. Jesure caapi^hjarã nipetiri poa macana ñuu roti jooma.

¹⁷ Y^h yarã, apeye m^hjaare y^h buiopa. Ñnama j^hicaarã m^hja caricawati t^hgoooñaro, m^hja caame wada netoro, m^hja carooye tuaro cátigarã. Nemoona Jesu ye quetire aperã cariape m^hjaare na cabuioriquere bairo buioquëema. Ricati maca buioma. To bairo c^hanare caroaro na t^hju majiña. Na api^hjaqueticõaña. Na bapa c^hetiqueticõaña. ¹⁸ Mani Ḫpa^h Jesucristo yere c^hana me ãma naa.

Na majuuna caroorije na cátigarije macare cána ãma. Caroaro api tøjoriquere ñitori, caroaro caapi majiquénare na macare na caapiñjaro ánama. **19** Muja maca caroaro Jesu cù caboorije cána muja ã. To bairo caroaro muja cátí aniere majima aperã Jesure caapiñjarã nipetirã. To bairi seeto mujaare yù tøglooña wariñuu. Caroa macaje jetore muja cátí majipere yù boo. Caroorije macare muja cátiquéto yù boo. **20** Caroa ani yerijã wariñuuriquere cajoù ãmi Dio. Petoacã bero caroorije upau Satanáre muja canetoro átigumi, cù macare cù carooye tuaro muja átibojagumi Dio. Mani Upaù Jesu caroare mujaare cù joato.

21 Ñuu rotimi Timoteo. Yù mena Jesu ye quetire cabuio teñanemoù ãmi. Yù ya maca macana Lucio, Jasón, Sosípate ñuu rotima na quena.

22 Yù Tersio, Pablo cù caí uca rotiro cù yù ucaboja ati püurore. Yù quena mani Upaù Jesure caapi nucabugoa aniri mujaare yù ñuu roti joo.

23 Gayo ñuu rotimi. Cù ya wiipù yù ã, yure cù cāni rotiro. Atopù cù ya wiipù neñaponucuma Jesure caapi nucabugorã. Erasto ati maca uparã ye niyerure cacotebojaù ñuu rotimi cù quena. Mani yau Jesure caapiñja Cuarto ñuu rotimi cù quena.

24 Mani Upaù Jesucristo caroaro mujaare nipe-tirãre cù átibojaaato.

Alabanza final

25-26 Diore caroaro wariñuuriquere cäre mani joorã. Jesucristo ye quetire, caroa quetire yù cabuiorijere muja caapiñja netoro muja áti majimi Dio. Nemoopare tie quetire buioriquere catøglooña majiña manibajupa. Ati yuteapare Dio

ye quetire cabuioricarã tirumãpã macana na caucarique jãgori majiriique ã yua. Dio cacaticõa aninucuã maca to bairona na cabuio rotiyupi. Yã quena Pablo tie quetire yã buionucu. Nipetiri yepa macana tie quetire na majiato ñi cã yarãre na cabuio rotiyupi Dio. To bairo tie quetire na canãcabugoro, cã caboorije na cátó boã cã ye quetire yã cabuio rotiwã Dio yã quenare.

²⁷ Jícahna ãmi Dio nipetirijere camajii. To bairi căre mani warinuu nãcabugocõa aninucugarã, Jesucristo yarã aniri. Amén.

To cõona ã.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: Tatuyo

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
59c2c435-882f-50ed-ac19-c0c3ea5ab3c0